

新編古今事文類聚

五十四







南江富

大用

時可編

○六曹部

# 吏部尚書

**歷代沿革**

吏部尚書周之天官卿也漢成帝置列曹尚書四  
 人其一曰常侍曹光武改常侍曹為吏部曹主選  
 舉靈帝改吏部為選部魏改選部為吏部主選部事右於諸  
 曹尚書晉吏部尚書一人宋世祖大明二年置二吏部尚書  
 後還置一人齊梁陳皆曰吏部尚書自漢及魏授此職者並  
 云吏部尚書若授諸曹尚書直云尚書然此官歷代班序常  
 尊不與諸曹同也自魏至梁並第三等梁定十八班人多為  
 貴吏部尚書班十四諸曹尚書班十二後齊尚書分統列曹

有吏部尚書統吏部侍郎二人主爵侍郎一人司勳侍郎二  
 人考功侍郎一人唐因隋制吏部尚書一員正三品龍翔二  
 年改為司列太常伯光宅元年改為天官尚書神龍元年復  
 舊天寶十一載改為文部至德初復舊總判吏部司封司勳  
 考功四曹事宋張昭為尚書獨掌京官七品元豐官制行以  
 審官東院歸吏部尚書左選審官西院歸吏部尚書右選。  
**大元**因唐宋舊置吏部掌天下文武官吏選授勳封考察廉  
 能出給制誥等事吏部令史分掌各頭以尚書為之長

**羣書要語**

冢宰掌邦治統百官均四海書周官乃立天官冢  
 宰使帥其屬而掌邦治以佐王均邦國禮太宰之  
 職掌建邦之六典以佐王治邦國同上尚書乃事之本選部五  
 曹之右常集吏部尚書制輟乃鈞衡專茲銓鏡唐大詔令辨論  
 官材澄汰流品比諸內史選妙秩清舊制銓管九流品藻清濁



李重集選曹箴冠六卿統百職自集天官大宰秩序常尊自昔

迄今冠諸卿首同上藻鑿流品是資清識唐臨冊尔其懸衡處

物虚心待士同上文昌六卿揚億代表中臺職司願講求於故

實未央朝會時瞻近於清光同上合左右之聯歸簿領者凡六

十察奏文武之士在考覈者逾二万負李清臣表天官冢宰之

崇文昌選部之重錢表類尚書總統百度是為古官吏部表率

六曹茲為重任天官之任人物所宗以撥煩治劇之才行激

濁揚清之政並同上漢革民曹魏仍東掾毛孝先以清公見美

盧子巖以貞固任職張續表樂彥輔雍容自守當時恨其寡譽

山巨源意存賞拔不免与世沉浮同上東西兩漢左雄孤絕於

前南北二晋山濤莫嗣於後沈約代表自非伯豪之天下稱能

仲子之時人歸德孝先之拔奇抑偽巨源之黜惡幸善然後可

以銓鏡流品平均衡石梁王筠為第六收讓吏尚書表去歲

冬初国之老博士尔今茲首夏將亞冢司雖千秋之一日九

遷荀爽之十旬遠至方之微臣未為速達任昉為范甯讓吏部

尚書表况今日之選專歸尚書以一人之鑒照察天下劉毅所

云一吏部兩郎中而欲究鏡人物何異以管闕天求其博哉崔

亮答刘景安書假勢風雲非由羽翮徒得推遷就列僂俛當時

曾無辟雍議禮之名詎有銅雀獻賦之敏而政本寔繁司會攸

切温子升廣陽王讓吏部尚書表

**詩句** 曾中无冰鑑敢當吏部銓山谷丘山岌々連天峻沔水澄

澄澈底清王丘崔沔掌吏部時人為之語云分紀符彩照千里

銓衡總九流刘斌和許給事傷牛尚書持衡留灑鑑聽復上星

辰杜

**古今事實**

周之天官



吏部尚書周之天官卿也六典又掌文官選奉判天官司勳司封考功等四司職貢令

漢之選部

吏曹尚書典選奉齊祀屬二公曹靈帝末梁鶴為選部後百官志注

士願居選

梁王泰山仲通能接人士人士願居其選官頌之為吏書衣冠傾屬梁書

時皆推美

李尚書又王尚書丘崔實客沔掌吏部皆獲當時之美

二世吏部

謝奉字言揚堂吏部奉祖莊於宋代再典選至奉又二為此職前代未有梁書

五人尚書

謝莊子朏子瀾子覽子孫温六代五人皆為吏部尚書同

先選德行

隋牛弘為吏部尚書其選奉先德行而後文才進用多稱職吏見隋書

好抑文雅

唐戴胄檢校吏部尚書然好抑文雅獎法吏時以寡奉為些言傳

一時精選

唐九齡入相用嚴挺之為尚書左丞知吏部選陸景融知兵部選皆為一時精選分紀

十年進拔

韋世康拜吏部尚書前後十餘年多所進拔朝廷稱為廉平嘗因休暇謂子弟曰吾聞功成身退古人常道今年將耳順志在



懸車汝輩云何子初嗣荅曰大人澡身浴德名遂官成盈滿之誠先哲所重欲追蹤二疎伏奉尊命

當奉此人

吳隱之字處默有孝行母亡每哭韓康伯母輒泣涕語康伯曰汝後若居銓衡之職當奉此輩人及康伯為吏部尚書因進用之遂歷清要晉中具書

始得此人

韋忠謙舉進士累補應城令歲餘調選思謙在官坐公事微殿舊制多未叙進吏部尚書高季輔曰自居選部今始得此一人豈以小疵而棄大德遂擢授監察御史由是知名

法不如毛

毛玠為吏部尚書無敢好衣美食者魏武歎曰孤之法不如毛尚書令使吏部用心如玠風俗之易不難

代更舉阮

魏盧毓字子家為吏部尚書魏文帝使毓自選代曰得如卿者乃可毓奉鄭冲帝曰文和吾自知之更奉吾所未聞乃奉阮武孫邕帝於是用邕並魏志

率人以儉

魏毛玠為東曹掾与崔琰並典選舉用皆清正之士雖於時有盛名而行不由本者終莫得進務以儉率人由是天下之士莫不以廉節自勵

執心平當

晉刘雄字公平遷吏部尚書執心平當本傳

稱若神明

梁范雲性機警且善屬文為吏部尚書居選部寄任逢重書牘盈案賓客滿門應荅如流無所雍滯官曹文墨發摘若神明拜



人莫不服其明贍朕官分紀

止談風月

梁徐勉為吏部尚書居選官彝倫有叙嘗與門人夜集客有虞  
曇求營事官勉正色荅曰今夕止可談風月不宜及公事時人  
服其无私本傳

清通簡要

鍾會見王戎裴楷總角曰裴楷清通王戎簡要後二十年此二  
賢當為吏部尚書冀其時天下无復滯才刘義慶世說

周謹廉素

太康四年治選曹銓管人才宜得忠恪寡欲抑華崇本者尚書  
宋整周謹廉素以道自居是其人也其以整為吏部尚書晋起居注

不受一錢

晋鄧攸迁吏部尚書牧馬於家庭妻息食素不受一錢於人傳  
不受餅金

褚彦回為吏部尚書有一人求官袖中將一餅金因求請問出  
金示之曰人无知者彦回曰自應得官无假此物若必見与不  
得不相啓此人大惧收金而去本傳

饋餉不受

江湛為吏部尚書家甚貧不營私財饋餉盈門一无所受南史  
遊處不雜

袁昂雅有人鑒遊處不雜為吏部尚書梁帝謂曰齐明帝用卿  
為黑頭尚書我用卿為白頭尚書本傳

一字拔人

蔡克居選官苟進之徒望風畏憚初克未仕時山簡常与王衍  
書曰蔡子尼今之正人衍以書示衆曰山子以一字拔人然未



易可稱後衍聞克正選官曰山子之言發於今矣晉書

三為此取

謝朓遷吏部奉祖莊於宋代再典選至季又三為此取前代未  
有本傳又唐韋慶凡三掌選銓授平允議者与之

佩玉乘輅

晉之吏部尚書五時朝服納言幘進賢兩梁冠佩水蒼玉

佩囊簪筆

尚書佩契刀囊執板笏簪筆表子正書

毛玠柴車

毛玠雅亮公正正在官清恪其典選季拔貞實斥華偽于時四海  
翕然莫不効行至乃長吏還者垢面羸衣常乘柴車軍吏入府  
朝服徒行吏繫於上俗移於下民到于今稱之行狀

褚炫紙帽

南齊褚炫為吏部尚書炫居身清正在選部門庭蕭索賓客罕  
至出入左右常捧一黃紙帽風吹紙剝殆尽南史

李肅題目

李肅字偉恭善論臧否得中甄奇錄異薦述後進題目品藻曲  
有條貫以此人服之擢為選部尚書季選號為得才同上

山公啟事

晉山濤為吏部尚書前後選季周徧內外而並得其才除尚書  
僕射領吏部濤再居選取十有餘年每一官缺輒啟擬數人濤  
所奏甄拔人物各為題目時稱山公啟事山濤傳

備儀注禮

牛弘拜吏部尚書時高祖召諸儒論新禮殺輕重弘所立議眾  
推服之仁壽二年獻皇后崩王公已下不能定其儀注楊素謂  
弘曰公舊多時貧所仰今日之事決在於公弘乃不拜讓斯須



之間儀注悉備素嘆曰衣冠禮樂及在此矣非吾所及也隋書

作考課法

盧毓為吏部尚書文帝使毓自選代曰得如卿者乃可前此諸葛誕鄭颺等馳名蓋有四窻八達之謂帝疾之詔選卒莫取有名者如畫地作餅不可啖也盧毓曰名不可以得異人而可以得常士王者正以循名按常為朕但當有以驗其後今考績之法發而以毀譽相進退故真偽混淆虛實相蒙帝納其言詔作考課法

被召即拜

晉少帝即位以蔡廓為吏部尚書不拜乃以王德惠代之惠被召即拜未嘗接見客有与書求官輒置書閣上及去取其封如初時談者以廓之不拜惠之即拜事雖異而意同南史

加祿先呵

王弘自領選料加榮祿於人者每先呵責然後施行若美相既接者必无所詣人問其故荅曰王爵既加於人又相抗勞便成与主分功若求者絕官叙之分既无以為惠又不微借顏色即大成然府問者悅伏

与官嗔笑

謝莊代顏竣為吏書竣容兒嚴毅常有不可犯之色莊風姿溫美有喧訴常歡笑荅之時人語曰顏吏部嗔而与人官謝吏部笑而不与人官

隨時浮沉

王戎領吏部尚書自戎居選未嘗進一寒素退一虛名理一冤枉殺一疽嫉隨時浮沉門調戶選

不許江總

陳孔煥為吏部尚書太子叔室欲以江總為太子詹事煥曰江



總有陳陸之才而无園綺之實太子深以為恨自乃言於陳主將許之煥乃啓願選數重之才以居輔道

陳紀

獨識漫漢

東魏以揚情典選嘗六十人為一甲情令其自叙訖不省文簿便次第呼之无有悞者後有選人魯漫漢自言猥賤獨不見識情曰卿前在元子思坊騎秃尾草駟經見我不下以方麴障面我何以不識卿漫漢驚服

三國典略

下筆招怨

鄭祚為吏部揚身潔清重惜官位至於銓授假令得人必徘徊久之然後下筆即云此人便已貴矣當時每招怨言

插扇厲聲

元順為吏部尚書時朱暉素事高陽王雍欲以為廷尉評頗煩託順不為用雍抚几曰身天子之子天子之弟天子之叔天

文新十一

八

子之相元順何人以身成命順搖白羽扇徐謂雍曰高祖迁宅中士荆定九流官方清濁軌儀千古而朱暉小人身為省吏何合為廷尉清官雍曰身為丞相錄尚書如何不得用一人為官順厲聲曰殿下必如是順當依事奏聞

不署紙尾

宋廢帝時蔡廓為吏書徐羨之謂傅亮曰黃門已下悉委蔡自此已上固宜共參同異廓聞之曰我不能為徐羨之署紙尾也遂辭不拜

建康實錄

隨而下筆

唐裴光庭為相兼吏部尚書與中書令蕭嵩爭權不協及為吏部奏用循資格并促選限光庭卒嵩又奏請一切罷之光庭所引進者出為外職時有門下主事閻麟之為光庭腹心專知吏部過官每麟之裁定光庭隨而下筆時人語曰麟之口光庭手



秉筆當除

韋巨源以吏書同中書門下三品時要官缺執政以次用其親  
巨源秉筆當除十人皆諸宰相近屬楊再思曰吾等誠負天下  
巨源曰時當爾耳唐書

李翦一揮

蕭子顯為吏書負才氣見凡流賓客不與交言但李翦一揮而  
衣冠切恨之齊書

謝眺慙色

初謝眺告王敬則敬則女為眺妻常懷刀以投眺眺不敢相見  
及當拜吏部謙挹尤甚尚書郎范績嘲之曰卿才人無慙小已  
但恨不可刑于寡妻眺遂有慙色梁書

修義失色

元修義選吏部尚書在銓行唯事貨賄授官小大皆有定價時  
文新十一

高居者先叙上黨郡關遂求之修義私已許人抑居不與居大  
言不遜對眾呼天喝賊人問居曰白日公庭安得有賊居指修  
義曰此坐上者違天子明詔物多者得官京師白劫此非大賊  
乎修義失色一

官有定價

元暉遷尚書納貨官皆有定價大郡二千仄中郡一千小郡五  
百北史

士不問賢

崔亮後魏時為吏部尚書為停年格不問士之賢愚專以停解  
日月為斷同前

人中作市井

袁真為監軍范立平為吏部尚書坐語袁曰卿此選還不失護  
軍袁曰立平卿何事人中作市井語林



後主借鼓吹

梁蔡徵拜吏部尚書啟後主借鼓吹答曰軍樂有功乃授蔡徵不自量揆紊我朝章然其父景歷既有締構之功宜且如啓

帝問何先

宋葉顥權吏部尚書乾道九年召對便殿賜坐賜茶禮異他日帝曰吏部條例朕亦置一通在禁中又問卿當官以何為先對曰以公忠為先帝曰卿宜无忘此二字後五日除簽書越二日兼參政揚誠齋集

上嘆有序

宋晏敦復為吏部尚書上嘗嘆曰敦復疑重剛方當公介然行總有序擯發清明事无奸滯山濤毛玠无以過之周平園集

諫屏鞠戲

陳俊卿謚正獻召為吏書時上未能屏鞠戲公上疏力諫入對

文新十一

十一

上迎謂曰前日之奏備見恣謹朕决意用卿矣十二月拜同知兼參政

因論耗費

吏部尚書張壽因對論甲庫卒工巧以蕩上心酷良醢以奪官課教坊樂工負數日增俸給賜資耗費不貲旨可罷上曰卿可謂責難于君明日罷甲庫諸局以酒庫歸有司減樂工數百人中具系年錄

古人之文集

雜著

吏部尚書廳壁記

孫述

吏部尚書在周為太宰之職其建設徒屬數陳事典則周官備之矣秦滅古法始置尚書漢增其制創立選部故靈帝以梁鵠為選部尚書是以魏改選部尚書為吏部尚書自晉宋至于此



齊皆因之宇文朝依周官置太冢宰卿一人蓋其任也隋革周制復曰吏部尚書皇朝龍朔二年改為司列太常伯咸亨元年復為吏部光宅元年改為天官尚書神龍元年又為吏部尚書綜九流之要為六官之長位尊任重實在於茲自武德以來多以宰相兼領一彼一此更為出入才難不其然乎皇帝在位之二十二年缺其官選于眾乃命武都公自兵部尚書拜焉公地惟宗英才則人傑忠孝自律矜嚴成憲式是軌度諒于衡石國之利也所及遠哉天監有唐俾多吉士踐此位者四十八人嘉名已著於國史故事宜存於臺閣繫以日月自得春秋之義記其代遷更是公卿之表以備官彙列為壁記焉

為李景讓讓天官尚書表

李嶠

寵命載臨震悸交集鞠躬自覲屏營无措中謝臣聞俊人在官百揆所以時叙名器妄假九流於是咸曠事闕隆替義難忝越臣才疎行缺空淺智空十舍无千里之資一經乏二冬之教徒以遭逢昌運玷膺籍符幸雨露之曲成遇山川之廣納遂得差有冕笏比跡流品出入臺首周旋階階金鳴玉坐榮枯朽擊水搏風顧慙腹背自忝司衡鏡亟易星灰雖智力已窮而清通未效朱紫多紊徑渭莫辨且其抵罪觸網稍清官謗翻乃假寵增服更垂天獎是用荷恩內訟以榮為憂且夫八座位隆五曹望重典南宮之秩古象北斗之樞機式以負藻鑿矣綜實實自非孝先亮直彥輔公忠山濤之簡靜篤素顧譚之心精躰密何以對揚天哲厭塞人望顧斯政本實總國彝豈臣庸愚所堪尸忝伏願迴光復照返汗收恩察臣由衷之請矜臣陳力之議則朝端允穆天下至公四始輟在梁之譏六父无負乘之累矣无任慙懼之至

辭免除權吏部尚書狀

樓鑰



寵光下逮惕懼靡違竊以選部攸司是曰六官之長文昌攝事亦叨八座之稱縱難求傑異之才猶當取踐剔之舊臣一登仕路三入修門年除歲遷震踰於始望寢驚夢愕屢蹈於危機惟茲瑣闥幾更月琯遇事輒發徒自積於然仇忤旨為多方自震於呵譴敢期睿獎亟賜優遷徑由文拜之職擢試天官之職兼汗青於東觀乃視草於北門揣愚分以何堪恐公言之不負伏望 皇帝陛下收選成漢改畀真賢俾退服於舊班庶漸伸於歸望

謝除權吏部尚書表

樓鑰

充負瑣闥自顧罔功攝長銓曹勿蒙誤寵仰皇慈之至渥揣微分以何堪中謝竊以選部持衡夙號六卿之長文昌聽履實為八座之聯非素推公方不足以托吏奸非妙有德望不足以厭輿論雖黃織之下无參異同而措紳之流鮮不關係宜求精敏

文新

之彥以當要劇之司伏念臣才不逮人幸徒泥古一為支郡三入脩門又侍上皇愧愚衷之无補親逢嗣聖荷褒擢之有加代言非陸贄之工批敕謝李藩之器俯狗錫堯之論屢覓斧鉞之誅去省眼者五年遂躡登於冢宰離班心者一載遽首列於從臣禁林兼內制之文史館涉信書之筆滿盈已甚控避莫回頒御府之襲衣益之鞶帶駕天閑之良馬覆以雕鞍但喜悅親之私敢云稽古之效茲蓋伏遇 皇帝陛下多能天縱盛德日新蒐文異才踵登持橐之選優容棄物獨負改竽之慙宜黜而遷以祭為懼臣敢不深思僥冒勉竭疲庸為山公啓事之書知非所及守崔亮停年之格何足言勞尚幾典選之平少助官人之道

與趙尚書書

朱元晦

茲者竊聞禁被追詔入長天官夫以尚書望實之隆宜在廟堂



參斷國論之日久矣去歲入朝登用在即而抗論極言不以利害之私少有回屈士論益以歸重而深恨其不少留也乃今幸甚天啓聖心召還故官是蓋將授以政无可疑者有識傳聞交相慶賀蓋不獨爲門下之私喜也然今日之事蓋有甚難於爲力者不審明公何以處之竊計雅懷於其大者素有定論不待愚者之言矣惟其小者之一二區區鄙懷竊有所疑於平日輒忘潛易而一言之惟高明之垂聽焉蓋天下之事決非一人之聰明才力所能獨運是以古之君子雖其德業智謀足以有爲而未嘗不博求人才以自裨益方其未用而收賓門墻勸將成就已不勝其衆是以至於當用之日推挽成就布之列位而无事之不成也今日明公之立朝不爲不义而未聞天下有卓然可用之才出於門墻之下自頃出臨藩服而喜始得觀於進退官屬之際則見明公之所与者率多碌々凡庸睚眦偵伺以希寸進之流未有以職修事率衆所稱以爲當率而得之者也而况於其率行蘊畜真有以大過於人者乎今者進位於輔相之列則所資於天下之才者益衆而所進退於天下之才者益重若但以前日進退官屬之尺度取之則喜恐天下之士所以望於明公者有未厭也時事如此之艱明公之任如此之重而所以求助者如此之狹喜雖至愚猶竊爲明公慮之而辱知有素不敢不及此而一言也伏惟寬宏恕其狂易試加察焉蓋不惟明公所自率而凡所爲屬之同列以妨賢者之路若宜皆在謁指之中則熹之虛實可覩矣來使回自三山熹前此已屢拜啓薄冗姑此少申賀禮而亦不敢爲无益之空言也未由趨拜履馬伏乞以時爲國自重

## 吏部侍郎



歷代公法

吏部侍郎周之小宰中大夫也漢以來尚書侍郎  
今郎中之任北齊陸瑒兄弟為相代兵吏部郎今  
侍郎也隋煬帝三年尚書六曹各置侍郎一人以貳尚書之  
職並正四品以下銓補多歸之唐武德初因隋舊置吏部尚  
書掌六品七品選侍郎銓掌八品九品選龍朔二年改為司  
列少常伯咸亨初改為吏部侍郎光宅初改為天官侍郎神  
龍初復為吏部侍郎天寶十一載改為文部侍郎至德二載  
復為吏部侍郎本一員總章二年加一員以裴行儉為之本  
員為中銓新加員為東銓通典云唐列二銓尚書掌其一侍  
郎分其二尚書所掌謂之尚書銓侍郎所掌其一為中銓其  
一為東銓宋元豐官制行以流內銓歸吏部侍郎左選元豐  
初御史言天下選人名在吏部者且萬人系其家牒以  
式住籍時將改官制先詔流內銓稱尚書吏部官制行歸吏

又新十一

十一

部侍郎左選

以三班院歸吏部侍郎右選

三班院舊例置局

禁中嘉祐祐間出之熙寧二年罷主簿元豐初又詔考審官東

院流內銓各省注簿一官制行歸吏部侍郎右選侍郎從三

品掌文臣未改秩者凡始命或有毀負皆試而後選若應遷  
格則團甲同郎官引見於便殿稟奏改官右選掌武臣未陞  
朝者凡所任而試不中等及已入官而未應選者皆勿注正  
闕若選路分都監將官閣門祗候都總管司承受皆以名上  
樞密院視朝入閣則執文武班簿對立官制尚書侍郎通治  
曹事奏事則同班惟吏選分領四選有所論奏則各以選事  
同所隸郎官上殿續會要初置二員蘇頌左選李永之右選  
大元仍唐宋制置吏部侍郎

羣書要語

小宰之職掌邦之六典八法八則之貳周禮司小  
宰之職任佐平邦典選重朝倫參我密啓屬於清



鑒當劬寤纓之操不遺刈楚之材晏公類要尚書六我天官首  
之辨論官材澄汰流品比諸內史選妙秩清尔其以裴士崔毛  
為心白集初公糾制用解樞機之務俾居行鏡之職唐太詔令  
掌銓行之口口藻宜叙九流楊億代表吏部典掌選文至於所屬  
之官有行封爵議動庸稽功課之事咸以咨焉侍郎實一其長  
可不重哉南豐擬制夫以天官之二治夏卿之選簿書敏重條  
格紛委苟非其人則士之失職而无告者多矣東坡集天官四  
銓總覈人物澄清流品除孫覿制文昌二卿位次八座陸佃制  
吏部古之天官而侍郎小宰之職曲阜傳堯制  
詩句持行留藻鑑听覆上星辰注見素為吏部侍郎銓選平允  
上星辰以言其親帝之旁杜南宮吾故人白馬金盤陀雄筆映  
千古見賢心蘇他舊注以南宮為禮部非也按天官書南宮朱  
鳥權行太微三公之庭將相執法即位眾星

古今事類

銓衡之任

唐掌選部流內六品以下官是為銓衡之任凡初仕進者无不  
仰屬通典

銓綜之司

考功員外郎劉思立子憲為河內尉思立今日亡明日選人有  
索憲闕者時焉載為吏部侍郎書曰无乃注冬集朝廷咸曰真  
銓綜流品之司可謂振理風俗也

典選十載

楊纂長於吏道所在皆有聲績俄又除吏部侍郎前後典選十  
餘載人論稱為允當

典選六年

唐席豫為吏部侍郎玄宗謂之曰卿前為考功職事平允故有



此授預典選六年有令善又慮從原精力于官偽黜詭功檢擿  
无所遺銓總六年以平允聞並唐書

四代居選

房穎叔拜天官侍郎自其高祖至穎叔四代咸居選部時論榮  
之分紀

旬月即拜

何廣字伯始文孝廉天下第一旬月拜吏部侍郎

賜鏡以表

高唐馮為吏侍凡所銓綜時稱平允太宗賜金背鏡一面以表  
其精鑒焉

改職又除

唐崔玄暉拜天官侍郎每介然自守卻絕請謁頗為執政所忌  
轉文昌左丞月餘則天謂曰自卿改職以來選司大有罪過或

文新十一

十六

聞令史乃設齋自慶此欲盛為貧惡尔今要卿復舊任又除天  
官侍郎

大革前弊

唐宋璟為吏書与侍郎李义盧從原等大革前弊取捨平允銓  
綜有叙

不省私書

孔緯字化文權要有所私託書盈几不省並唐本傳

韋陟風采

韋陟迁吏侍選人多為集与正調相冒陟有風采擿辨无不服  
者

裴楷風神

晋裴楷為吏部侍郎風神高邁容儀俊爽時謂之玉山照人  
孝基知人



隋吏部侍郎高孝基鑒賞機悟清謹絕倫房元齡杜如晦與選  
孝基特加賞異後以為知人隋書

行儉知人

裴行儉為吏部侍郎典選有知人之鑒見王劇與蘇味道謂人  
曰二子亦當掌銓衡之任後劇果為天官侍郎味道至相位

獎用孫張

王丘遷吏部侍郎典選復號平允其獎用如孫張鏡微皆一  
時茂秀

掌選韓元

吏侍鄭杲注韓思復為太常博士元希聲為京兆士曹嘗謂人  
曰今年掌選韓元二子則吏部不負朝廷矣唐會要

前有裴馬

唐裴行儉馬載為吏部侍郎同時典選十餘年甚有能名時人  
稱為裴馬

文苑十一

十七

後有盧李

盧從愿睿宗時拜吏部侍郎中宗之後選司頗失綱紀從愿精  
心調理大稱平允李朝隱同時典選時人稱曰前有裴馬後有  
盧李

弘景嚴正

韋弘景轉吏部侍郎銓綜平允權邪憚其嚴正不敢干以非道

岑義劾廉

岑義進吏侍時崔湜鄭愔及李元恭分掌選皆以賄聞獨義劾  
廉為時議嘉仰並本傳

汰擇士類

溫彥博遷檢校吏部侍郎彥博欲汰擇士類寡術不能厭眾訟  
牒盈庭時議頗譏



甄別士庶

陸彥師為吏侍隋承周制官无清濁彥師在職凡所任人頗甄別於士庶同上

識刀其姓

天官郎中李至遠權知侍郎時有選人姓刀又有王元忠並被放乃密与令史相知減其點畫刀改為丁王改為士擬授官後即添成文字至遠一覽便曰今年銓覆万人總識姓名安有丁士姓名此必刀某也省內以為神明會要

令裴畧嘲

温彥博為吏侍有選人裴畧被放乃自贊於彥博稱解朝諶彥博即令朝屏牆略曰高下八九尺東西六七步突兀當廳坐哉許遮賢路彥博慚而与官唐新

李下无蹊

文新十一

十一

李知遠知選吏肅然斂手又號李下无蹊又李又進吏侍請謁不行時人語曰李下无蹊本傳

李士多附

李季卿拜吏部侍郎俄而兼御史大夫奉使河南江淮宣抚振拔幽滯進用忠廉時人稱之在銓衡數年季卿有宇量性識博達与善人交襟懷豁如其在朝以進賢為務士以此多附之

与邊遠官

唐崔鄆判吏部東銓事文宗力口二銓謂之曰卿等比選令錄如何注擬鄆曰資序相當問以為治之術見可否而擬之帝曰依資合得而才劣者何授對曰与邊遠慢官帝曰以不肖之才治邊民則疾苦可知也朝廷遠近皆願得人苟非其才人受其弊尋拜吏部侍郎

便江南選



唐貞元初劉滋為吏部侍郎往洪州知選事時言師興之後天下蝗旱谷價翔貴選人不得赴調乃命滋江南典選以便江嶺之人時稱幸取並分紀

### 開門无禁

姜晦為吏部侍郎性聰悟識理体舊制吏曹書字悉布棘以防令史与選人交通及晦領選事大除之大開銓門示无所禁私引置者晦輒知之召問莫不首伏初朝廷以晦改前規咸以為不可竟銓衡得所賄賂不行幸朝服歎

### 選才得宜

劉林甫正觀初迁吏部侍郎初赴選者以十一月為始至春即停選林甫奏請四時听隨到注擬當時咸以為便時天下初定州府及詔使多有赤牒授官至是停省及來赴集將万餘人林甫選才以擢咸得其宜時人以林甫典選比隋之高孝基選幸

### 人推強直

韋陟嘗任吏部侍郎有一致仕官叙五品陟判之曰青壇展慶曾不立班朱紱承榮无宜拜卧時人推其強直

### 帝謂勇决

隋楊恭仁大業初轉吏部侍郎楊玄感作乱煬帝制恭仁率兵經畧与玄感戰於破陵大敗之軍旋煬帝召入内殿謂曰我聞破陵之軍唯卿力戰功最難比虽知卿奉法清慎都不知勇决如此

### 吏不容私

蔡北海先生宗礼維揚兵革之後省曹簿書殘毀幾及公再執銓行時為吏部侍郎熟於典故衣冠調集与朝政以革討論漫无成案可放者公援據該審徐出一言以决吏不得容其私詔重刊七司條勅公所建明悉著于今自是省府除授皆有案驗



李益能撰行狀

吏不得肆

洪文安公遵字景嚴公為吏部侍郎先是選人諸曹改秩子奪一出吏手公乃隨事疏理吏不得肆言行錄

陳擢孤寒

陳堯咨判流內銓舊制選人皆用奏堯咨乃得改京寺官而士有孤寒不為人知者堯咨侍為陳其功狀而升擢之實錄

孫論優伶

孫逢吉字從之進吏部侍郎朱公燾之去公力救之侍郎彭公龜年補外又言不應為近習而逐正人一日會食部中或報王喜除閣門祗候公曰此乃優伶嘗於內庭效朱侍講容止以儒為戲者豈可以汚清選當抗疏力爭否則於經筵論之飛詔上聞內批為郡樓功媿集

厲邑必容

苗晉卿知吏部選事性謙柔選人有訥訟索好官者雖至數千言或声色甚厲者晉卿必含容之拜吏部侍郎前後典選五年政既寬弛胥吏多因緣為姦賄賂大行

點頭更擬

蘇晉為吏侍裴光庭知尚書事有過官被却者就籍以朱點頭而已晉因榜院曰門下點頭者更擬光庭以為侮已出晉汝州刺史

高枕而卧

許子儒以孝義稱長壽中官至天官侍郎子儒居選部不以藻鏡為意委令史勾直以腹心注官之次子儒但高枕而卧時云勾直平配由是補授失卒无復綱紀道路以為口實

非錢不行



鄭惜掌選賦污狼籍有選人繫百錢于靴上曰當今之選非錢不行

古文文集

雜著

謝轉吏部侍郎表

歐陽脩

驟膺澳渥備瀝愚誠雖至辭窮罔避煩言之為贖重乎令出莫  
回成命於已行祗受以還驚惶失節臣某中謝伏念臣孝未通  
於原本材不足以經綸但知守拙以為忠每務師心而自信徒  
以遭逢先帝技自眾人父參侍從之職遂玷機衡之二而屬大  
橫啓兆嗣統膺期方為政之清明思百度之修理內量譴薄實  
憂以聖而責愚矧迫衰殘方念乞身而告病不謂皇慈曲被寵  
數屢加當覃大慶之初已无功而冒賞曾未踰年之久復進秩  
以叨榮此蓋伏遇 皇帝陛下聖政惟新用人務廣謂才難於  
求施思悅使以忘勞憫其勤劬錫以優洽雖因踰於望表亦寵  
與其憂并誓殫犬馬之微少答乾坤之造

文新十一

廿一

代謝吏部侍郎表

樓鑰

代言西掖方拜誤恩攝貳東銓復叨改命循墻莫避臨谷增危  
中謝伏念臣漉落无堪迂愚自信正以經營於菽水故嘗希望  
於斗升昨自外官恭趨嚴召猥廁內朝之鶴列親覩上聖之龍  
飛五歷粉闈一參月寺籌邊戎幕无婉畫之可稱將今虜庭幸  
歡盟之復締冒柱史詞臣之選兼官端宝牒之司初无左右之  
先容尺出聖神之親擢忽承帝制俾倅天官一新龜紫之榮仍  
假銓衡之長莫回成渙徒激懦衷伏蓋伏遇 皇帝陛下虛以  
受人明於分職憐臣孤立於官路借以末光謂臣曾歷於劇曹  
付之重委臣敢不寅遵邦憲嚴制吏姦朝夕論思雖素之嚴吾  
之謇薄書期會庶免追裴馬之名



謝吏部侍郎表

鄒浩

代言西掖已冒至榮列職中臺更塵高選拜恩優渥撫已兢慚  
中謝竊以六典治邦周重天官之任三銓綜吏唐推文部之權  
洪惟神考之正名肇復先王之成憲迄至今日益昭聖功宜得  
真才以貳選事而臣猥從發片特荷哀憐俄擢實於近班獲預  
聞於機要事 陛下有如上帝敢萌一念之欺仰 陛下何啻  
高山終乏纖埃之補未正空食之責遽叨越次之升靖言思之  
可謂幸矣此蓋伏遇 皇帝陛下孝隆維志道廣用中欲多士  
之无朋故孤立者与進欲四方之不擾故愚守者并容爰幸斯  
心俾祗厥序臣敢不激昂遭遇飭厲猷為念此餘生實神聖之  
再造誓殫綿力稱寵祿之殊私

辭免除權吏部侍郎狀

吳永叔

渙若出綸震于闈命寵以甘泉舊從以侍臣為邦家之光選部  
典銓以小宰為人物之鑑匪疇宿望曷稱親除如臣者猥自遐  
陬躡登朝序才能甚短如鼎之不可以柱車文体近浮如玉之  
不可以為穀偶值清朝之更化忽陪羣彥以同升繆當記注之  
筵復玷詞翰之選赤墀載筆幾瞻言動之容紅燭燃窻兩被傳  
宣之寵雖曰儒生之榮遇每漸往哲之高風方戒滿盈又叨甄  
擢官清易曠甫半歲而三遷恩重難酬不一月而再命倘冒承  
於殊渥恐交噴於煩言伏望 聖慈俯矜愚悃於贊書之未出  
擇髦士之攸宜庶安私情允愜公論

第二辭免狀

吳永叔

重惟吏侍之選實高諸曹非知人之明不足以鑑裁流品非秉  
法之正不足以檢梏吏姦比者某其貳之初以卯退朝以辰入  
局典吏抱案選官滿庭愛惜分陰僅可區撥而才不周於繁劇  
智不足於眇綿以所不能之人居所甚重之取因循之乂易生



垢玩豈圖異渥復昇陳人若貪亦恩榮冒昧以處則必以庸疎抵於曠敗欲望朝廷特賜敷奏得從寢免庶幾上不以累聖鑒下不以溢愚分

辭免兼權吏部侍郎申省狀

洪咨夔

蒙恩便蕃聞命兢惕竊以詞垣四禁稽緩為先選部二銓繁劇尤甚專掌尚虞於弗暨兼官必至於多違伏念某空疎林識譴陋領內史之職幸乎一而未能參小宰之聯共其二以何有雖代苞而越俎將毀瓦而畫墁欲望朝廷特賜敷奏念御馬不容於窮力而牧羊每患於多岐俾塵舊官亟寢新命少安愚分實戴隆私

謝吏部侍郎表

周必大

最近叨居夙負羶官之責武文迭試更膺換部之榮襲衣頒在笥之珍室帶錫章身之寵仰勲主眷俯愧輿言臣某中謝臣聞

文新十一

廿二

古之銓綜存乎人今之銓綜一於法存乎人固可以得士然其弊也嘗由予奪之不公一於法固可以滅私然其弊也或致賢愚之同帶而况簿書紛若胥史雜然苟稽察之弗精將混淆而莫辨欲酌古今之中制當令人法之並行庶稍戢於吏姦亦少伸於士氣豈容虛受以累明揚伏念臣性鄙習迂志卑才下早親翰墨弟為書生陳腐之談久侍軒墀初乏禁從論思之語引去則殊私之未報欲留則高位之難安方進退之靡寧忽選除之下逮肺腑抱履冰之惧面頰形捷市之羞彼此光靈若為祔塞茲蓋伏遇 皇帝陛下乾行不息日照无私知人非堯帝之難巧壬奚患選衆有臯陶之幸枉直自分夫何一介之臣乃冠貳卿之列臣敢不遵承法令振拔滯淹垂微冰鑑之明上裨睿哲姑守權衡之信仰助公平苟不辱知斯為報國

謝吏部侍郎兼權直學士院表

孫覿



承流支郡方叨左省之除擢貳選曹更代北扉之直承恩深厚  
小已凌兢中謝臣聞虞書二載黜陟之文周官羣吏誅賞之法  
歷時千載分總四銓圖籍浩繁官曹猥衆諸郎寄坐老中專家  
二年干戈傲擾之餘一時水火焚漂之後千瘡橫潰二案勞穿  
世號把推坐嘲銅臭士无固志端若視馬曹然官不即工但直  
書紙尾耳深惟流弊常激懦衷使夫人皆從容而自居則誰當  
以奮發而為意攬轡而上粗有意於澄清奏刀欲前了无施於  
般罍錯空慙綿力實負初心茲蓋伏遇 皇帝陛下剛德方亨太  
明繼照深鑒百王之弊一清多士之源偶以乏才遂當殊獎圖  
難有欲速之戒矯枉在馴致之功輸夙夜之勞儻遂愚公之志  
效涓塵之報庶逃黜伯之譏

# 吏部郎中

文新十一

廿九

## 歷代沿革

周官大宰屬官有下大夫蓋郎中之任也秦有郎  
中以其為郎侍衛居中故曰郎中漢選尚書郎初  
從二署郎次補之初入尚書臺稱郎中滿歲稱侍郎故郎中  
之名猶因二署舊號後漢置吏部郎中職在選卒魏晉用人  
妙於時選其諸曹郎功高者遷吏部郎中歷代品級皆高於  
諸曹郎魏晉宋齊吏部郎品第五諸曹郎第六梁吏部郎品  
第四班第十一陳因梁後魏北齊吏部郎品正第四上諸曹  
郎品正第六上後周依周官隋煬帝改吏部郎為選部郎唐  
吏部郎中二人龍朔二年改為司列大夫咸亨元年宅神龍並  
隨曹改復一人掌小選未入仕而吏京司者復分九品通謂  
之行署其應選之人以未入九流故謂之流外銓宋元豐官  
制行置吏部郎中四人尚書選二人侍郎選各一人參掌選  
事而分治之凡序位有品選官有格分任有職寓祿有階皆



以事稽攷審核其狀質成於長二而後行焉建炎三年詔三  
選各一員大元仍唐宋舊置吏部郎中二人

**羣書要語**

乃統胥徒是稱小選席子揚仲宣碑六官之屬曹郎首之白集除李見制參我六典冠于諸曹云有

簿書以旌淑慝擇刀筆以決臧否剖疑析滯揮翰如流選部以

清繁公是賴並同上銓衡庶品歷選賓僚六俸表才盛居東之

佐禮處司南之重高選髦士以分劇曹常集鄭貞外制天官之

屬号為劇曹初卷王琮制任參六典選重一時類要尚書正本

而吏部天官綜叙羣才以成天下之治郎於典領其選甚高南

豐除豐稷制

詩句吏部提英鑒片美蒙采錄黃山谷吏部信才傑文鋒振奇

響調与金石諧思逐風雲上梁沈約悼齊謝朓兩人同日事征

西今日君先捧紫泥裴度柳公綽俱為判官公綽先入為郎度

以詩餞云

支折十一

廿五

**古今事實**

超迁郎中

後漢吏部郎典劇多超迁者

稍迁郎中

齊庾杲之司空刘劭見而奇之曰是使江漢崇望杞梓發聲稍

迁吏部郎中參選大事齊書

奉一吏郎

後魏度碩創革舊制選置百官謂羣臣曰為武率一吏部郎合

即三日假尋曰朕已得之矣乃徵亮為之亮曰參選事垂三十

年廉謹明决尚書曰非崔郎中選事不辨

覓一吏部

褚亮每屬相尋覓一佳吏部尋曰与縣宰徐寧海岱清士即



遷吏郎

崔亮明決

後魏漢文帝欲創革舊制選置百官謂羣臣曰為朕幸一吏部郎合郎二日假尋曰朕已得之矣乃徵崔亮為之亮字敬儒自參選事垂二十年廉謹明決尚書曰非崔郎中選事不辨北史

劉鼎風稜

劉鼎清太中為吏部郎中兼侍御史知雜事鼎性甚寬易而典選曹按吏有風稜五代史

阮咸寡欲

山濤至阮咸為吏部郎中曰清直寡欲万物不能移也世說

陸准正人

吏部郎典碎事日夜相接非但當正已而乃當能正人議郎杜點德履亦佳太子庶子崔諒中郎陸准皆有意正人其次不當

文新十一

廿六

審有可用者否山濤啓事

設長名榜

吏部郎中裴行儉始設長名榜列銓注期限等法又定州縣升降官資高下以為故事長名榜自此始也選齊志

定朝儀令

後魏鄒淵博覽經書太祖定中原擢為吏部郎淵明解制度多識故事与崔玄伯參定朝儀律令音樂及國文記詔策多淵所為也

傾朝送別

何尚之字彥德為吏部郎告休定省傾朝送別及至郡父叔度謂曰聞汝來此傾朝相送可有我客答曰始數百人叔度笑曰此是送吏部郎中非送何彥德也昔殷誥亦嘗作豫章定省送別者甚衆及廢從東陽舡泊征虜亭積日乃至親舊无敢相窺



百姓追送

褚翔為義興太守徵為吏部郎去郡百姓老少追送出境翔居小選公清不為請囑易意号為平允選侍中

庭植嘉樹

顧憲之為尚書吏部郎其祖凱之嘗為吏部於庭中列植嘉樹謂人曰吾為憲之植尔後果為此取

師為模楷

隋李德林為吏部郎陸昂命其子与德林周旋誡之曰汝每事宜師此人為模楷

尉得迁官

晁補之字无咎為吏部郎中有嶺外尉為獲盜八人法當改官考功謂獲盜不同處由沮其賞持之不決尉客京又窘甚詣公訴之公憫然一日當奏即為上之七日得迁官於是吏畏服部

文新十一

廿七

无留事下未錄又見張文潛集

上常目送

曾肇謚文昭官制行除吏部郎中每使殿引選人上常目送之出殿門而已揚龜山續行狀

百官文集

雜著

吏部郎中廳壁記

獨孤及

太微五帝星座後五星曰郎位秦漢之君則而象之乃建郎中至魏世祖分尚書曹為六郎各六人今之吏部魏之選曹也掌選文銓覈以正公卿大夫士羣吏之品位凡廢置之柄官府之序歲終令天下郡縣會計致事而郎官起草立議操而成之然後尚書受成於郎中之選非楚金百鍊顏弓六鈞不當也故居官者不由選曹郎而進固以見其才之餘地亦尤刀劔之刃



未嘗屠大牛切大玉則雖曰我且以為鎮鄒人尤疑之由其塗而升驟必環周二臺翽飛兩掖登喉舌秉刀尺者什七八諸曹郎莫敵也歲在乙巳河南賀若公用貞幹諒直實蒞厥位往歲公為外郎也東曹朗然如得水鏡治餘杭也吳人熙々若逢陽春今也來思八法在手操割成務弥綸舊章殿如初政常以前按軌躅我之韋絃而武德以來解署鼎新者數官曹易名者五若姓不表年不紀是發德也將來何觀故謹而列之俾我曹之春秋存乎右座其選部司列天官文部之目各因其所革時之先後冠於其首以為志云

## 吏部員外郎

歷代沿革

周官太宰屬官有上士蓋今員外之任也宋百官階次有員外郎後周依周官隋文帝開皇六年尚

文新一

廿一

書省二十四司各置員外郎一人以司其曹之籍帳品從第六謂曹郎本員之外復置郎煬帝二年廢尚書諸曹各置員外郎一人吏部置二人唐龍朔咸亨光宅神龍並隨曹改復宋尚書諸司員外郎正七品大元置吏部員外郎二人

羣書要語

吏部員外郎掌選院謂之南曹其曹在銓曹之南故謂之南曹唐六典吏部員外郎二人掌文選

以三銓之法官天下之材其投試銓注与流內畧同謂之小選

唐百官志

詩句吏部信才傑文鋒振奇章調与金石諧因逐風雲上梁沈約棹齊謝眺吏部提英鑒斥善蒙采錄黃山谷今日君先捧紫泥柳公綽与裴度俱為判官綽入為吏部郎度作詩戲云

古今事實

吏部省眼



唐吏部郎中二廳先小銓次格式員外郎一廳先南曹次廢置  
舊說吏部為首眼分紀

南宮眉目

韋陟字商衡為吏部員外郎是曹在南宮為眉目在選士為司  
命公執直罪閱簿書紛拏盤錯一瞬而剖劉禹錫撰神道碑

銓叙稱羨

唐崔郾姿質秀偉神清重雅人望而愛之為吏部員外郎奸吏  
不敢欺孤寒无援者不至留滯銓叙之美為時所稱

判析有條

唐李栖筠遷吏部員外郎判南曹栖筠判析有條奸吏氣奪号  
為神明

簿最詳緻

韓滉遷吏部員外郎性強直明吏事在南曹五年簿最詳緻

吏事第一

裴遵度遷吏部員外郎專判南曹天室中海内无事九流輻湊  
會府每歲吏部選人盈万遵度敏識強記精覈文贍詳而不滯  
時稱吏事第一由是大知名

鈐制官吏

唐皇甫鎛為吏部員外郎判南曹凡二年頗能鈐制官吏改吏  
部郎中

旌別能否

唐牛徽遷吏部員外郎乾符中選曹猥濫吏為奸弊每歲選人  
四千餘人徽性真剛特為起請由是銓叙稱正能否旌別物議  
稱之

思制吏奸

紹興三十年以劉珙為吏部員外郎珙在銓曹時苦吏為奸思



有以制之一日命張幕設案置令式其中使選集者得出入繙閱与吏辨吏无得藏其巧人甚便之

復清選部

刘崇望字希徒轉吏部員外郎崔安潜為吏部尚書崇望判南曹滌除宿弊復清選部唐書

朕欲見父

陳傳良奏事入修門鬚鬢如雪丞相留公正一見款曰幾年陳君幸尚可使外補耶奏留為吏部員外郎初對上曰卿去国幾何時朕欲見卿父矣知卿抱且孝問深醇有所著書進來時上臨朝淵默罕有聖語公敬謝而退以周礼說進擢秘書少監樓攻媿集

上為嬰顧

張拭召為吏部員外郎廟堂用史正志為發運使奪州縣財賦

文新十一

卅

遠近騷然拭為上言之上曰正志以為非取之民公對曰今州縣財賦大抵无餘不過巧為之名以取之於民耳上聞之嬰然顧拭曰論此事者多矣未有能及此者如卿之言是朕假手於發運使以病吾民也閱笑如拭言即詔罷之楊誠齋集

古今文集

雜著

吏部員外郎南曹廳壁記

權德干

漢廷尚書郎辨章制度主文書起草之任東漢方冠以曹名用諸曹功次超卓者轉遷選部魏晉已還其任寔劇国家紀律昭明官脩其方凡薦紳之倫未命為大夫者滿歲皆調於谷下啓事賦祿必先有司初上元中天官趙郡李敬玄号為称朕以覆托官簿差次裁成端本肇末不得不重乃請外郎一人顯南曹之任其後或詔同曹郎分主之或詔他曹郎推居之皆難其才



而慎斯卒也。大抵膺是命者多士，必屬耳目焉。以其公私能否之間不可過也。以事之委會吏之奇表，因緣詭故中若市道居之者，通明闊畧，或深刻苟成，績於是則翰飛不暇，登二掖贊六職得之，吏易疾若傳置。太原王仲舒字弘中，溫毅廉直，方敏資風神，豪爽邁平羣，倫貞元十年冬，尤諸侯部從事，賢良對策，歷一右諫列儀曹考功郎。十八年，實受斯命，類能故也。於是用堅明忠恕行理官業，程品具卒，尤違自絕，然後以狀之成質於軍宰。小宰罷退者不讀受祿者不誣恢々，然投其虛而芒刃不頓，君子以弘中之道為折中矣。昔春秋書士谷曰：堪其事也。魯語曰：署所以朝夕履君命也。上因官署而卒，事任春秋丘明之志也。至若龍朔咸亨改復之說，此非小書。

**吏部分掌**

應給制誥  
應封褒贈遷

舊司封

文新十一

廿一

**歷代沿革**

舊主爵郎 **北齊** 置主爵郎中一人 **隋** 文帝為主爵侍郎煬帝改為主爵郎 **唐** 龍朔二年改司封大夫咸亨元年復加光宅元年改司封郎中神龍元年復故開元二十四年復為司封 **宋** 於右掖門置院四司誥身案並集于此以備中書除改本司郎官各主其事淳化五年始專置官司於省內凡官誥各以本司誥身印印之文臣用吏部武臣用兵部王公命婦用司封加勳用司勳掌文武官將校誥身及封贈官誥院提舉一人以知制誥充判院一人以帶取京朝官充元封五年行官制文武誥身屬吏部審官誥屬兵部封贈及命婦誥屬司封加勳并將校告屬司勳官誥院四部誥身案及吏人隨事隸本部七年併司封司勳誥身案入吏部預書庫收掌崇寧四年吏部專置造官誥局五年罷能令尚書右選主管大觀元年復置尋改為官誥院仍隸左右司二



年復罷歸吏部政和二年六月詔依舊置官誥院差官二員  
主管少府監鑄印記吏部製造誥身案記為文建炎以來因  
仍不改

**君書要語**

司封郎中掌封命朝會賜予之級凡爵九等更官  
志封爵之恩施於内外国之典也主以郎吏寵秩  
其優曹向豐除王祖道制宜寵在曹之秩用優主爵之名胡制

**古今事實**

執秩

晉文公作執秩以正其官注執秩主爵之官左傳

典封

後漢馮勤為郎中給事尚書使與諸侯封事本傳

公權入奏

唐柳公權為司封員外郎入奏帝曰見卿筆蹟久矣因問用筆

文新十一

卅二

法權曰心正則筆正乃可法矣本傳

孝武同省

正觀中韋孝武為主爵郎中與兄弟同省時號三列宿唐史

上科文議

宋王介甫用事議論素異還朝真之官誥院介甫欲變更科李  
上疑焉公議上悟曰吾故疑此得蘇軾議意釋然矣即日召見  
蘇頌續集東坡行狀

此代言手

宋京鏗字仲遠參政龍茂良薦公于孝宗轉主管官誥院先是  
茂良帥豫章日得公箴奏之文奇之曰此汪彥章代言手也亦  
朕兩月詔從臣李良縣令為執法官給事中王希呂以公應書  
即召見曰卿議論通明有用材也是日除監察御史楊誠齋集

**古今文集**



雜著

官誥院題名記

虞似良

士自一命以上至于公卿凡除授誥命必繇院以給之則君是  
 朕者為其重而不輕矣故謹其付給而守其貳令視他司為嚴  
 唐制百官誥身分掌於其所部文則吏部掌之武則兵部掌之  
 宗室命婦司封掌之考校勳績司勳掌之國初悉因唐舊置院  
 於古掖門之左凡吏兵封勳四司之告彙集諸此淳化五年始  
 專置局命中書舍人一員提率而以朝官一員判局事於是朕  
 任踰重元豐改制迺以文武官誥身悉隸吏部而以蕃官隸兵  
 部崇寧大觀或置或不大抵廢則皆歸吏部右選政和復置院  
 仍差主管官二員中興以來因仍不改然自紹興至今四十餘  
 年中間官吏殆无有記之者名氏到罷滯不可見事之因循苟  
 且豈特此哉似良不才承乏是官思有以紀會同寮魏君相与  
 討究自薛儂而下得五十五人勒諸石庶使來者尚有考也乾  
 道七年十月既望記

文新十一

廿三

官誥院續題名記

丁伯桂

誥院題名石昉於乾道七撰紹興改元易而大之紹定辛卯之  
 秋鬱攸為疹屋与石俱燬營建既新亟求舊題副墨壽之石立  
 新石列為二經始於趙君与筆成於林君杲謂余曾居是官諗  
 識之鉄惟皇朝以名器砥礪天下士命詞於西掖而受給於誥  
 郵要使爵德賞功之意雷行域中光被万物所係亦大矣在昔  
 名公率多發軔于此不但伉台衡持從橐登要路為足垂榮某  
 人節行者聞某人勲業赫奕一目畢見使來者知所勸是亦補  
 助教道之一紹定六年十一月既望記

官誥院續題名記

汪詢之

乾道辛卯官誥院始創題名石易于紹熙庚戌燬于紹定辛卯



今江淮大使觀文趙公為憲來元厥職爰立二石鴈行之后二十七年當室祐六年石當續僕適承之乃暨同僚姜君士龍闔辟以諗于公公捐楮二千緡佐其費及在外麾節之曾居是官者致助各有差於是石續而三矣恭惟國朝以好爵彙天下士文武之臣各以其職受命而榮辱予奪之機廼寄於盈尺之誥司存顧不嚴且重玆凡得策名於石者當以羔羊素絲之誥厲其節以網衣惡文之管養其才又以朝廷之所以懋德懋功者自懋其器業使前者規後者隨輝聯光映吉豈實流國家將於是有賴焉豈直能大其官而已是年五月既望記

**勳封科**

應封食邑實封如王一力戶郡王五千戶之類又親王公主應國封號之類。舊司勳

**歷代沿革**

周官有司勳上士一人凡有功者司勳詔之後周夏官有司勳一人掌功勳之賞隋文帝立司勳侍

文新十一

廿四

郎一人煬帝改為司勳郎唐武德初為司勳郎中龍朔元年改為司勳大夫掌邦國官人之勳級凡勳十有二等十二轉自上柱國至武騎尉凡十二 凡有功之人合授勳官者皆委之覆定然後奏擬宋司勳掌賜勳定選錄用世勞凡官吏軍民應賞而隸有司施行者則審覆而駁其繆誤 **大元**无專曹官有勳封科以令史分頭掌之

**羣書要語**

司勳掌六卿賞地之法以等其功王功曰勳國功曰功民功曰庸事功曰勞治功曰力戰功曰多凡賞无常輕重眡功周礼掌校定勳績論功行賞 朕負令

**古今事實**

詞人稱首

唐張九齡迁司勳員外郎張說謂人曰後來詞人稱首本傳郎吏得人



啓張循憲薦張嘉貞奏對品武后悅擢循憲司勳郎中酬其得人時功狀盈几郎吏不決嘉貞以為詳外廷无留牒張加正

### 論安石配享

宋趙忠簡公鼎字元鎮公為司勳郎官乃言自王安石用事律為紛更祖宗之法掃地而生民始病蔡京托名紹述及祖安石之政以致大患今安石尤配享廟廷而京黨未族何以收人而召和氣哉言行錄

### 遠秦檜擅事

宋陳文正公康伯字長卿自公為郎時為司勳郎官秦檜方擅事公雅有素乃澹然其中檜雖稱公靜重常越用他人公不以為意在省五年始為軍器監同上

## 考選科

諸科選 文資選 右職選 宮中選  
諸司選 除由 磨由 司計

文新十一 監當官別置外選 舊考功 卅一

## 歷代沿革

漢曹郎二人掌天下歲尺集課元帝時京房作考功課吏之法然其職不在尚書至光武改尚書三公曹主歲書考課之諸州郡魏尚書郎曹有考功郎中一人宋齊並置功論郎中梁有功論侍郎隋文帝置考功侍郎煬帝改考功郎唐龍朔改為司績大夫武德舊令考功郎中監試貢奉人正觀以來乃以考功員外郎專掌貢奉省郎之殊美者至開元移貢奉於禮部而考功員外郎分判而已宋考功判司事一人以帶職朝官或无職事朝官充凡考課之法分隸他司或以他司專領本司但掌覆大常擬謚及幕府州縣官流外較考之事元豐官制行郎中員外郎始實行本司事續會要初除蔡响蔡京職畧掌文武迂叙磨勘資任考課之政令凡命官隨所隸選以其職事具注於曆給之於其屬



州若司歲書其功過應外遷選授者驗曆按法而叙進之有  
負殿則正其罪罰以七事考監司以四善三最考守令凡改  
服色者以年勞計之應謚者覆太常所定行狀報尚書省官  
集議以聞凡立碑碣名額之事掌之舊置考課院其定殿最  
皆有考辟大元无專曹官有考選科以令史分頭主之

**羣書要語**

掌文武百官功過善惡之考法凡百司之長歲較  
其屬功過善惡以九等大合衆而讀之流內之官  
叙以四善之狀之外有二十七最唐百官志及功臣家傳碑頌  
誅謚等事同上主羣吏之課而議其誅賞即於天臺任屬尤重  
曾向豐涂蔡京制計羣吏之治而明黜陟之法臺郎典引列於  
左曹又除呂和卿制

**詩句** 称意新官又少年秋清身健好朝天 白樂天送霍考功

**古今事類**

文新十一

卅九

**鶴廳**

唐考功員外郎廳事有薛稷畫鶴宋之問爲贊 西京雜記

南曹 見後裴請事

挾印赴行在

唐裴請遷考功郎中代宗幸陝請徙挾考功南曹印赴行在  
上曰疾風知勁草 本傳

**墨書絕吏奸**

唐王徽轉考功員外郎時考簿上中下字朱書吏緣爲奸多有  
措改徽白僕射請以墨書

**鄭澣敏識**

鄭澣爲考功員外郎刺史有驅迫人吏上言政績請刊石紀者  
澣探得其情條奏廉使巧迹遂露人服其敏識 分紀

**仲舒文名**



王仲舒有文名遷考功員外郎奏議詳雅省中伏其能

辭判精密

裴均遷考功員外郎侍郎鄭珣瑜考校辭判研覈精宥皆值才實

典選平允

嚴挺之開元中為考功郎中典選二年大稱平允並本傳

進細清明

席豫遷考功員外郎進細清明拜吏侍元宗曰卿考功職詳事允故有今授

黜陟詳當

趙宗儒傳正元六年領考功事黜陟詳當无所回避

不避權倖

穆宗即位召李勣為考功員外郎校定京官考不避權倖皆行

文新十一

廿七

黜陟

務覈實才

唐王后傳開元初遷考功員外郎異時多請託止務覈實其才

吏无以欺

王仲舒弘中在考功吏部提約明故吏无以欺韓文正公神道碑

人以為便

考功員外郎魏矸字邦達守監察御史矸在考功郎選案牘不

存吏緣為奸川陝官到部者多以微文沮抑往反輒經年矸請

細節不圓處悉先放行人以為便中興系年錄

非蘇不可

韓休作蘇頲集序云屬考功員外郎闕時中書令李嶠執筆曰

考功郎非蘇君不可遂拜考功員外郎

得王遂請



王信字成之權考功郎有選人張公選初一年免銓至是改秩  
吏妾引復令柅之公鈞察其故吏怖服又有三蜀士實礙式吏  
受賂為道地趙衛公為工書以囑公持弗聽已而轉臨天官閱  
審成積拊掌愧歎激不已至白于上前他日上謂尚書蔡洸  
曰考功得王信銓曹意清邏者私相詣指為神明全七

謚改文莊

宋刘敞判尚書考功仁宗賜夏竦謚曰文正敞言謚者有司之  
事也竦之行邪而陛下謚之以正不應法疏三上仁宗為更竦  
謚曰文莊東都事畧



律詩

送考工崔郎中赴闕

白居易

稱意新官又小年秋涼身健好朝天青雲至了无多路却要徐

廿九

驅穩著鞭

詩話

專心望考工

唐王尚客為侍御史自以才望清華妙當入省常望前行忽降  
膳部員外郎微有恹張恭忠詠曰有意嫌兵部專心望考工  
誰知脚酸脰却落省墻東





南 江 富 大用 時可編

六曹部

# 戶部尚書

歷代沿革

戶部尚書周之地官卿也漢置尚書郎四人其一  
人主財帛委輸成帝置尚書五人其三曰民曹主

人吏上尚書事後漢以民曹主繕修功作當工官之任吳有

戶部魏文帝置度支尚書寺專掌軍國支計又置左民尚書

晉初省之有度支皆主筭也惠帝時有右民尚書梁陳置左

戶尚書並掌戶籍知工官之事後魏北齊有度支尚書後周

置地官府大司徒卿隋初有度支尚書則并後周民部之職

開皇二年改度支為民部唐因之貞觀改為戶部龍朔改為

司元太常伯光宅改地官尚書神龍復為戶部宋初除安燾

為戶部尚書元祐元年門下侍郎司馬光欲令戶部尚書兼

領左右曹而舊二司財用事有在五曹寺監者並歸戶部則

利權歸一詔尚書省立法左右曹錢穀尚書兼總使周知其

數量入為出而制國用大元仍唐宋舊置戶部掌民籍貢賦

官吏俸祿府庫倉廩歲計支用權衡度量法式坑冶錢幣室

貨恩賜之事置令史分掌各頭尚書為之長

羣書要語

二曰地官其屬六十掌邦教周禮司民掌登萬民  
之數自生齒以上皆書于版大司徒之職掌建

邦土地之圖與其人民之數以佐王安擾邦國以天下土地之

圖周知九州之地域廣輪之數而辨其邦國都鄙之數制其畿

疆而溝封之以土會之法辨五地之物生因此五物者民之

常而施十有二教焉同上司會主天下之大計計官之長若今



尚書周禮注大司徒齊戒受質以百官之成質於天子記王制

司徒修六禮以節民性明七教以具民德齊八政以防淫一道

德以同俗同上帝曰契汝作司徒敬敷五教在寬書舜典農父

若保酒醕司徒掌邦教敷五典擾兆民周官穆王命君牙為周

大司徒弘敷五典式和民則君牙鄭武公父子並為周司徒善

於其職詩緇衣序祝鳩氏司徒也左傳地官理財能制於輕重

唐大詔令崔羣制掌司徒之邦教制民曹之地征綜事帥屬居

其要會幹時通才始可典領常集制昔元凱之處斯職法司施

行者五十餘條以資當時之急同上虞書五教實委司徒之班

周禮六卿爰開地官之位莫不織成都邑編緝氓黎設九土之

綱維成四方之管轄班固申犬牙之制疆場綺分應璩論馬齒

之規井田鱗次戶標九等俱陳万国之圖人有十倫並掛三年

之籍張鷟集注西都賦曰疆場綺分又云原隰龍鱗之次應璩

詩曰九州相錯雜相次如馬齒九等攸辨百姓以親唐制戶

部之於中臺為周司徒之職南豐擬制民曹上卿同上序首曹

於左輔歲奏類宜叅司會之職以裨經費之方同上紫極八座

非德莫居丹屏六曹惟賢是擇唐授李承嘉戶部尚書制亦總

地卿掌會計而經國紀綱式叙征賦益饒崔鉉制及領地官且

司邦賦會計事劇出納孔殷投利刃而皆虛委蔡絲而必理裴

均制

古今事實

明公展足

景雲中盧從愿為吏部侍郎杜暹注鄭縣尉後為戶部尚書盧

自益州長史入朝杜立於上乃曰選人定何如盧曰亦由僕藻

鑑遂使明公展千里足

內相預政



王琚佐明皇平內難為戶部尚書帝於琚眷委特異預大政事  
號內宰相並本傳

拜官令早

蔡景歷拜度支尚書舊式拜官在日午後景歷拜日適逢輿駕  
幸玄武觀在位皆侍宴帝恐景歷不預特令早拜其見重如此史補

歲迁自擇

唐高宗以竇德玄舊臣自殿中少監為御史大夫歲中迁司元  
大常伯又任十餘人皆帝自擇會要

在內七年

晉杜預在內八年損益万機不可勝數朝野稱之

主計八年

唐王紹進戶部尚書眷待殊厚主計凡八年政事多關訪紹亦  
未嘗一言漏於人唐書

兄省許入

劉洽為御史中丞漑為左民尚書舊中丞不得入尚書下舍洽  
引服親不應有礙刺省評決乃許入漑省亦以兄弟素篤不能  
相別也

從兄同榮

唐鄭善果為民部尚書制尚裴寂等十人每奏事及侍立並令  
升殿與從兄元璿在其數時以為榮分紀

張華王佐

張華為度支尚書有王佐之才

杜預武庫

杜預為度支尚書號杜武庫言无所不有並本傳

祿給白衣

梁何胤為左民尚書後辭官隱於若耶山雲門寺勅給白衣尚



書祿胤固辭

歸讓版使

韋燠辭判戶部歸謂甥姪曰已讓版使矣佳話錄

清儉不改

晉吳隱之為度支尚書以竹蓬為屏風坐无氈席後迁中領軍清儉不改每月所得祿總留身粮餘悉分賑親族本傳

清白自修

劉溉為左民尚書溉美風儀善容止所至以清白自修性又率儉不好声色梁書

鄭有善績

唐鄭善果檢校大理卿兼民部尚書正身奉法甚有善績

崔有風望

崔從字子又為戶部尚書為人嚴偉立朝稜之有風望本傳

文新十二

掌計何愛

魏文帝置度支尚書專掌軍國支計朝議以征計未息動須節量及明帝嗣位欲用安平王孚問左右曰有兄風否荅曰似兄帝曰吾得司馬懿二人復何愛轉度支尚書晉安平王孚傳

備物置用

杜預為度支尚書內以利人外以救邊備物置用濟當時之益者五十餘條

儲義倉粟

長孫平開皇二年為度支尚書見天下州縣多罹水旱百姓不給奏令民間每秋家出粟麥一石以下貧富為差等儲之閭里以備凶年名曰義倉隋書

掌戶口政

唐戶部尚書掌天下戶口井田之政令凡徭賦職貢之方經費



賜給之筭藏貨贏儲之率悉以咨之六典

改授刺史

唐太宗幸翠微宮授司農卿李緯民部尚書房元齡時在京城留守會有自京師來者太宗問曰元齡聞李緯拜尚書如何對曰但云李緯好鬚更无他語太宗遽改授緯潞州刺史

少息貪吏

國朝李常字公擇号山房為戶部尚書常文士少吏幹或疑不勝任以問司馬光光曰使此人掌邦計則天下知朝廷非急於征利貪吏望風培克之患庶幾少息長編

作會稽錄

李常為戶書作元祐會稽錄二十卷本傳

置裁省局

韓忠彥字師朴謚文定召為戶部尚書時元祐會稽錄初成入

文報十一

五

狹而用廣忠彥憂之因言斂節財用遂裁省冗費置局於戶部本傳

古今文集

雜著

讓地官尚書表

李嶠

无涯之恩忽降霄極非據之揚坐驚寃宇某中謝臣少无竒志長之異能短步非疾於驛騮翺飛自同於燕雀逢聖神之再造屬天地之兼容鄭璞齊竽竊混声價秦冠漢綬叨踐名級步駕池之清切陟駕渚之便蕃出入五臺周旋二閣行膺負璽之任遂服專車之寵万機損益蔽於庸陋之心百揆謨猷滯於膏肓之疾爰發皇揆特留宸眷假優閑之秩雖入杏壇參翊亮之謀尚和梅鼎徒延舟楫之幸竟微股肱之效挈瓶之智患在於空虛瞰室之災惧深於盈滿方陳骸骨之請遽荷雲霓之命負乘



之責前謗未除忝越之譏後恩仍及還振蟬螿之羽故參龍鳳  
之行赤紱妨賢物知不可素殫得位臣亦胡顏况八座樞機五曹  
要劇上儀七星之象旁理万邦之教自非元凱之明允忠肅陳  
韓之敦璞淳深將何以釐正版圖安邦國臣之淺狹誠則貧  
叨朝有典章敢叨非望伏乞回乾坤之曲澤收雨露之殊私廣  
訪訐謨詳求械樸更引食場之珍俾臨均土之司則受任得材  
无憊振鷺之美官方有序不失貫魚之次

辭免除權戶部尚書狀

真德秀

文昌在從列為最高版曹於國計為甚重自仲由之才聖門僅  
許以治千乘之賦况如臣之不肖而使攝大司徒之職治天下  
之賦其為不稱亦已明矣伏念臣曩負罪愆衆所指目保全覆  
壽出聖君居間數歲而予之祠奉祠踰年而畀之郡甫及下  
考憲帥全閩感激恩光磨礱朽鈍每思具悠久之利不敢徇苟  
且之謀私願朝廷假以歲月庶幾斯人受一分之賜少寬九重  
不忘遠之愛區區寸忱可以對越實无一念別覬寵榮豈圖到  
官俶尔四月絲綸之命忽降自天仰惟陛下更化以來大明黜  
陟英髦併聚在闕庭臣於是豈不願親近日月之光筮跡鶴  
鴻之列而自量蹇劣莫副選掄冒昧而前必致顛踣伏望聖慈  
俯照忱悃收回渙汗用穆師言

再辭免戶書狀

真德秀

需章有請渙汗未回讀溫詔之丁寧重微衷之感激伏念臣雖  
乏通明之識粗知去就之宜昔政在私門固合進難而退易今  
權歸公室所當朝召而暮行矧惟去國之十年常切愛君之一  
念每愁无路可輸畎畝之忠詎意逢辰重瞻天日之表身未離  
於閩嶠心已驚於闕庭盡即敬承敢云固避惟是天臺高選地  
官劇曹位在納言難踵夔門之武職專治賦媿亡晏筭之才僭



瀆眷瞻冀還宸渥或改司於間局或仍綴於舊班庶幾上無濫  
子之嫌器名增重下免僥逾之媿廉恥獲全

謝除戶書表

真德秀

十連竊寵媿藩閫之罔功一札遄歸叨地官之進長班躡陪於  
踐斗懼深重於獲冰中謝伏念臣素守朴忠濫膺迪簡褻被初  
元之召首躋迹服之榮自退屏於山林寢迹違於軒陛憂時之  
髮益白悵去國之十年恋闕之心如丹敢忘君於一飯屬蒙起  
廢再玷承流阜蓋分符既復既還於舊物青真授鉞綉行仍忝  
於故鄉曾坐席之未溫忽賜環之已及方躬攬宏開於公道而  
彙征必萃於群賢敢圖孤跡之漂流亦辱清朝之記錄且民部  
周司徒之佳豈惟稽戶口於版圖顧尚書古納言之官蓋實專  
喉舌之樞要誤拜演綸之渥冒陞曳履之華退省驚疲曷勝齷  
負茲蓋恭遇皇帝陛下乾剛天健蓄懿日新親庶政以厲精大

文新十二

七

明黜陟臨百官而昭德洞察忠邪念臣嘗參紫橐之聯知臣粗  
厲素絲之節輟還近綴俾侍清光臣敢不期稱隆私勉堅初志  
生財有道雖漸源流本末之知事君勿欺願竭獻納論思之報

辭免戶部尚書狀

孫覲

竊以群胡南牧大駕東巡奸雄奮臂而呼將士倒戈而至千官  
逃散万室驚奔芻糧委於煨燼之餘金繒捐於寇盜之手理兩  
朝衰亂之緒仰繫上智之明振一時乏絕之憂當重計臣之選  
吝有司之出納制万貨之低昂孰能披軔於肯綮之間多益  
辨是宜審听於音声之際一一而吹選任或非其人誤國莫大  
於此如臣者本以簿書刀筆備藩宣之寄又以文章言語參侍從  
之華忽被詔除俾承人之令邸廟禦戎之急惟兵民足食之先  
宜得命世經綸之才安用老生陳腐之說智有所不及甚虞操  
刀製錦之傷猶有所不爲何預越俎代庖之事



# 戶部侍郎

**歷代沿革**

隋煬帝始置民部侍郎，因之後改為戶部。龍朔二年改為司元少常伯，咸亨元年復為戶部侍郎。

宋戶部之職皆歸三司，元豐官制行，戶部始總邦計，置侍郎

二員，左曹五案，戶口案、稅賦案、農田案、檢法案、知雜案，右曹

五案，常平案、免役案、坑場案、檢法案、知雜案。左曹除陳安石

右曹除李定，紹興四年七月詔，戶部侍郎二員，通治左右曹

職事，以權吏部侍郎劉岑有請，故有是命。大元仍唐宋舊置

戶部侍郎

**羣書要語**

小司徒之職，掌建邦之教法。周禮地官之職，邦教是先，必選國華以從人望。韓退之除崔羣制下制

民產上經國用地官之貳，實參總焉。南豐擬制，往副民部，孰知

文新十二

汝宜同上，俾參版曹之繁。初，蔡制君牙之貳，歲表類地卿之貳

爰委典司，理財先示於簡，廉利物每懲其聚斂。唐大詔，令李絳

周有地官小司徒，佐敷五教，魏置度支尚書，以濟軍國之用，政

有余地，然後兼之。常集授戶部侍郎，專判度支制，善其職者為登

大任，中茲選者莫匪正人。白集

**古今事實**

秩正貳卿

韋表微為中書舍人，俄拜戶部侍郎，職如故。時自長慶至曆國

家比多變故，凡在翰林，例無滿歲，由是表微自監察六七年間

秩正貳卿，備承恩澤，盛于一時。

進為宰相

唐戶部侍郎有二員，判使按者別一署，謂之左戶。元和後選李

華重宰相，多由此進。崔群既相，孟簡代之。六典



四十位郎

晉潘孟陽為戶部侍郎年未四十其母謂曰以尔之才而位丞郎使吾憂之

三廩侍郎

李元紘歷工兵吏三侍郎上令宰臣及公卿以下精擇堪為戶部者多有薦元紘者乃拜戶部侍郎元紘因條奏人間利害及時議得失以奏之上大悅因賜衣一副本傳

議戶版利病

楊瑒為戶侍帝召大臣議戶版瑒言利病甚詳帝咨賞

叙歷代戶口

唐太宗問盧承慶歷代戶口多少之數承慶叙夏已後迄周隋比皆有依據

獨無進獻

李絳為戶侍憲宗問曰戶部比有進獻至卿獨無何也絳曰將戶部錢進入內藏是用官物以求結私恩上加其直

不受納賂

唐牛僧孺拜戶部侍郎初韓弘入朝父子俱卒諸孤幼小穆宗命中使閱其宅簿以付家老而簿上具納賂之所唯於僧孺官側朱書曰某月日送牛侍郎物若干不受穆宗按簿甚悅居無何議命相帝首可僧孺之名

計析秋毫

張平叔國之材臣也計能析秋毫吏畏如夏日司會逾月綱條甚張况師旅未息調食方急倚成取濟非尔而誰平

叔立侍制

詔視財賦

潘孟陽權知戶部侍郎詔馳驛江淮視財賦孟陽持氣蒙倨所



至招金錢多補吏善望大喪並唐書

開河疏諫

宋元祐五年主議者執開河減水之策戶部侍郎蘇轍上疏諫曰臣為戶曹右曹云云戶部休戚計在此河若復緘默誰當言者惟斷在聖心盡罷其議

例外執奏

宋柳約字元禮權戶部侍郎感激奮厲悉力凡言凡例外宣索皆執奏以進周益公集

財用非長

王彥威開成初為戶侍判度支彥威於儒該邃亦善吏事但經總財用出入米鹽非所長也

伏獵誤讀

蕭昞不知書嘗去嚴禔之稱伏獵為伏臘挺之曰省中豈容有

伏獵侍郎乎乃出之本傳

自称老奴

唐張平叔為戶侍狡險大言因王播以進既掌財用常為公利以便私嬖倖多狎之既有寵於上進退便僻雜以優諧或自称老奴无復大臣之体

玩狎郎吏

嘗奏事畢降階復升上每笑容之在班列玩狎郎吏譁肆无忌推益法請宰相為之使因自求樞機之任同上

古今文集

雜著

太常少卿趙瞻可戶部侍郎誥 蘇軾

理財正辭禁民為非曰義先王之論理財也必繼之以正辭名正而言順則財可得而理民可得而正自頃功利之臣言政而



不及化言利而不及義中外紛然朕益厭之具官趙瞻明於吏  
事輔以經術忠義之節白首不衰奚自秩宗擢貳邦計將使四  
方之人知予以耆老舊德居此官者蓋有耄耋之意焉

謝除戶部侍郎表

蘇子由

掖垣清閤奉鈇槩以媮安民部劇煩以金穀而為職事非素孝  
命不獲辭伏念臣起於南裔曾未再替擢在近班訖无少補開  
口論事適宸心延納之初引筆代言非書命縱橫之際竊祿而  
已功何足云計日以言時亦未幾方自憂於汰去豈復意於超  
升此蓋伏遇太皇太后陛下仁聖无為靜深照物坐閱工師之  
衆灼知情偽之端察臣朴愚憐臣孤遠才雖未能以應務性則  
不喜於為邪試之劇曹冀其來效然臣觀當今右部之政正值  
昔日新法之餘召募憂於錢荒差繇患於戶少事既難辦法當  
通方尚賴聖筭之明稍寬民力之備臣之踈拙徒自勉強苟少  
緩於瘡痍亦圖報之万一

景

文新十一

十一

再謝除戶部侍郎表

蘇子由

田野之安入朝未幾侍從之貴冒寵已多方懷汰去之憂敢有  
超迁之望中謝伏以右曹之政本專賦役之煩近歲以來復益  
金倉之舊下閔民力上計邦儲朝廷議論積年於茲吏民封章  
繼日以上置局未遑於成法付部要責其奏功將以適四方之  
宜為一代之典自非精練吏事通知民情何以上副憂勤下寬  
疲瘵如臣淺陋殆難克堪此蓋伏遇皇帝陛下聖貴乘時孝先  
述志明於因革之故達於利病之源上覽祖宗之成規下來今  
昔之公議昭然獨斷惠此小民謂臣出自賤寒或知劬農之意  
性本愚拙庶无希合之情度越衆賢付以要務臣敢不上体聖  
慮勉尽鄙心

与戶部鍾侍郎書

朱元晦



喜謹東向再拜致書侍郎執事喜昨得見於省戶下愬五年  
中間來使閩部喜方退伏田里有俯仰出入之故雖不得瞻望  
履舄之餘光亦嘗以章少卿文所致書輒爲數字之記以通於  
左右是後乃不敢有所閔白不自知其果能達視聽否也此來  
向安跽伏簿書塵土中乃聞執事復爲天子出使巴蜀万里之  
外弛去逋負緡錢之在官者以數百巨萬計弭節來還天子嘉  
之下所議奏於四方擢執事置尚書省郎以計下曹二十四司  
之治可謂龍且榮矣又以執事通於君民兩足之義俾執事攝  
貳於版曹務以均節財用便安元元爲職除目既聞四方幽顯  
無不悅喜以爲執事必能以所嘗施於蜀者惠綏此民寬其財  
力之所不足以助天子仁厚清靜之政也今執事之蒞事數月  
矣四方之聽未有所聞也喜不佞竊有所懷敢以請於下執蓋  
喜聞之天子憫憐斯民之貧困未得其職故數下寬大詔書弛  
民市征口筭與逃賦役者之布又詔稅民毋會其踣羸以就成  
數又詔遣執事使蜀弛其逋負如前所陳者喜愚切以爲此皆  
民所當輸官所當得制之有藝而取之有名者而猶一切蠲除  
不復顧計又出御府金錢以償有司是天子愛民之深而不以  
利爲利也明矣而況於民所不當輸官所不當得制之无藝而  
取之無名若所虧少經總制錢者乎喜以謂有能開口一言於  
上以天子愛民如此所宜朝奏而暮行也而公卿以下共事媿  
阿莫肯自竭足以助聰明廣恩惠前日之爲戶部者又爲之變  
符檄急郵傳切責擬刑提刑下之州州取辦於縣轉以相承急  
於星火奉行之官如通判事者利於賞典意外督趣无所不至  
此錢既非經賦常入爲民所逋貫官吏所侵盜而以一歲偶多  
之數制爲定額責使償之自戶部四折而至於縣如轉圜於千  
仞之坂至其址而其勢窮矣縣將何取之不過巧爲科目以取



之於民耳而議者必且以爲朝廷督責官吏補發非有与於民也此又与盜鍾掩耳之見无異蓋其心非有所蔽而不知特藉此爲說註誤朝聽耳計今天下州縣以此爲號而率取其民者无慮什之七八幸其猶有未至於此者則州日月使人持符來逮吏繫治撻擊以必得爲效縣吏不勝其苦日夜相与撼其長官以科率事不幸行之則官得其一吏得其二三並緣爲姦何所不有是則議者所謂督責官吏者乃所以深爲之地而重困天子所甚愛之民也夫吏依公以侵民又陽自解曰此朝廷所欲得非我曹過也夫愚民安知其所以然者何哉亦相聚而怨曰朝廷不卹我等耳嗚呼此豈民之所當輸官之所當得者聖其制之无藝取之无名甚矣夫以天子之愛民如此彼所當輸當得有藝而有名者猶一切出捐而无所吝况如此者惟其未之知耳一有言至其无不聽且從矣而獨愛其言者何哉是執

吳

文新十一

4之

政任事之臣負天子也執事誠能深察而亟言之使所謂虧欠經總制錢者一日而罷去則州縣之吏无以藉其口而科率之議寢矣然後堅明約束痛加繩治敢以科率病民者使民得自言尚書省御史臺則昔之嘗爲是者其罪亦无容矣於以上廣仁厚清靜之風下副四方幽隱之望无使西南徼外巴賈邛笮之民夷獨受賜也豈不休哉真踈遠之跡於執事有先君子之好而亦嘗得一再見辱教誨焉今也適在此位爲可言者誠不自知其愚且賤思有補盛德之万分故敢獻書以聞

律詩

送李戶部侍郎自河南尹再除本官 刘禹錫

昔年內署振雄辭今日東都結去思宮女猶傳洞簫賦國人先錄衮衣詩華昌却復文昌位別鶴重歸太一池想到金門侍稱藉一時驚喜見風儀



# 戶部郎中

**歷代沿革**

周官司徒屬官有下大夫蓋郎中之任也。漢尚書郎一人主力口墾田。張溫為戶曹郎。魏有左民

郎曹有農部郎中又為左人右人後又為人部人曹皆戶部

也。晉兼置右民郎曹。東晉及宋齊唯有民部曹。梁陳為左戶

曹郎。後魏為左戶曹郎。北齊有左民郎曹。隋初民部郎曹置

侍郎二人煬帝除侍字改民部郎曹為郎中。高宗改為戶部

能朔為司元大夫後復故郎中。貞外部各二人掌戶口土田

賦役貢獻蠲免優復媾婚繼嗣之事。以男女之黃小中丁老

為帳籍以永業口分園宅均其土田以租庸調斂其物以九

等定天下之戶以為尚書侍郎之貳。其後以諸行郎官判錢

穀而戶部度支郎官失其職。元豐改官制罷三司歸戶部

景

文新十二

十四

左右曹而三司之名始泯矣。舊三司使即尚書副使即侍郎

權發遣副使即權侍郎三司判官推官及判子司官即官中

貞外部之任。大元仍唐宋舊置戶部郎中二人

地官為郎。杜牧行韋退之制。郎官皆為清秩。杜牧

行韓賓制。復以人曹郎佐掌邦計。元微之行高允

恭制參我地官之屬首於時俊之科類要

詩句貞外部由來美郎中望不優寧知粉署裏翻作土山頭。唐趙

謙光自大理正遷戶部郎中而貞外部賀誌戲詠云

**古今之要**

家號郎官

唐韋維為郎嘗時柳于庭及憲兄弟居郎省對之輒斂容自叔

謙後至郎中者數人世號郎官家

世尚儒李



宋淳化中戶部郎中張郁父正仕至戶部郎中世尚儒孝号書樓張家長編

戶部二妙

韋維字文紀為戶部郎中善裁剖時真外郎宋之問善詩故稱戶部二妙詩話

正元十子

唐盧倫為戶部郎中有詩名於正元中與李端司空曙之徒名為十才子形於圖益以美其名同上

儒衡風采

唐武儒衡迂戶部郎論事有風采本傳

王質方雅

唐王質為戶部郎中以方雅特立除諫議大夫劉禹錫為神道

斷叔妹爭嫡

文新十二

十五

隋高構轉民部郎中時有叔姪爭嫡尚書省不能斷朝臣之議不決構斷而合理上以為能勞之曰我聞尚書郎中上應列宿觀卿才識方之古人之言信矣嫡庶者禮教之所重我讀卿判數遍詞理愜當意所不能及也賜米百石由是知名隋書

論宰相領度支

唐武儒衡迂戶部郎時皇甫鎛以宰相領度支剥下益上儒衡上疏論列氣象高雅論事有風采唐書

古今文集

雜著

戶部郎官廳壁記

施溫舒

國家分置六部各統其屬之所治各有攸司戶部之屬五其所治之事若民訟若賦役若供餽給賜若貨財出納若倉廩委積雖各掌其一而書判之冗會計之勞符檄之多要書畧等也



中興以來五十年間凡同舍郎更代之姓名迂授之歲月漫不可致淳熙五年今樞密同知謝公為左曹得二石為題名未就而迂御史既登西府諉同舍曰事求全則難成從簡則易就繇紹興至隆興遠矣典籍雖存非一朝所能訂也姑幸闕典豈若首隆興之元而序次之其所未備則後之博雅君子攷諸國史而詳焉必有任其責者同舍皆曰然於是乎刻之淳熙八年十二月記

### 戶部員外郎

**歷代沿革**

**周**官司徒屬官有上士蓋今員外之任**後周**依焉**隋**開皇置民部員外郎煬帝改民曹承務郎**唐**改民部員外郎正觀明慶咸亨龍朔光宅神龍並隨曹改復員外郎二人從六品上掌領天下州縣戶口之事凡天下十道

文新十一

十六

任士所出而為貢賦之差分十道以總之**宋**尚書諸司郎中正七品**大元**仍唐宋舊置戶部員外郎三人

**羣書要語**

戶部員外郎掌戶口賦役貢獻蠲免優復婚繼嗣之事唐百官志為尚書侍郎之貳同上

**詩句**錦帳隨時設金爐任意董唯慙員外置不應列星文趙謙光酬賀涉詩

**古今事考**

泣事有声

唐狄仁傑薦于光明為員外郎泣事有声唐書

奏議第一

唐裴向累為櫟陽渭南令奏議皆第一擢戶部員外郎同上賞其清俊

唐戶部寺吏部鄰司時吏部移牒令戶部列棘以備交通呂太



一為戶部員外郎荅曰眷彼吏部銓總之司當須簡要清通何必設籬樹棘時賞其清俊

異其進獻

唐張濬累轉度支員外郎黃巢將通關軸濬托疾請告待其母孳族避亂商州賊犯京師僖宗出幸逾年供須衛軍不得食漢陰令李康獻糗餌數百騾軍士始得食僖宗召康問曰卿為縣令安操心至此康對曰臣為應更敢有此進獻張濬員外指臣也帝異之急召至行在拜兵部郎中

古今文集

律詩

送白敏中新授戶部員外郎西歸 白居易

千里歸程三伏天官新身健馬翩翩行衝赤日加餐飯上到青雲穩著鞭

文新十一 十七

戶部分掌

全科

舊金部

歷代沿革

周職金掌凡金玉錫石丹青之戒令漢置尚書郎四人其一主財帛委輸蓋金部之任也魏晉宋齊

後魏北齊並有金部郎梁陳隋為侍郎唐龍朔中為司珍大

夫咸亨復天寶改司金郎中至德復舊建中初罷劉晏鹽鐵

等使天下錢穀委金部倉部中書門下揀兩司郎官准格式

調掌尋復置使宋金部判司事一人以無職事朝官充凡庫

藏出納之節金室財貨之用皆歸於三司而權衡度量之制

主於太府寺本司無所掌元豐官制行郎中員外郎始實行

本司事初除晁端彥參掌給納天下之泉幣計其歲所輸數

歸於應受之府藏以待邦國之用而鈎考平准市舶權易商

稅香茶鹽礬之數以周知其登耗凡造升斗尺秤皆以法頒



其禁令若事應諮決擬書者視度支分案七左藏右藏錢帛

**羣書要語**

大寶曰位夏陳納貢之書聚人曰財漢有藏錢之

人以供國自鹿臺重賦東夏為墟鴻都賣官西園成市張鷟集

財用金谷有出納之政權衡度量有制作之法司珍之任實典

治焉南豐晁端彥制郎吏文昌之高選司珍民部之劇曹曲阜

陳絃制司金劇部命汝典之孫升制職金之任初寮張輔之制

**古人之事實**

主財帛輸委

漢置尚書郎四人其一主財帛委輸蓋金部郎曹之任也職材

掌庫藏出納

唐金部郎中掌庫藏出納之節金室財貨之用權衡度量之制

文新十二

十四

皆總其文籍而頒其節制六典

盧自無愧

隋盧昌衡為僕射祖孝徵所薦遷金部郎孝徵曰吾用盧子均

為尚書郎自謂無愧幽明矣隋書

蕭有父風

蕭穎士字茂挺終於揚州功曹子存字伯誠為金部員外郎諒

直有功曹之風並唐書

對友治道

宋王師愈召除金部郎官數召對言事上孝宗時賜書曰比聞

奏對頗及治道之具而未詳也尚有可裨政躰而宜於今者亟

復條奏其眷待之渥一時在廷之臣莫得望焉

不督虛籍

王師愈為金部郎戶部尚書揚沙取諸郡積逋緡錢七百萬付



金部使督之公曰此錢徒有名耳督之未必有得而文移一下所擾不知幾何人且中外一躰若邦計未裕不若歸誠君父以幸寬免豈宜奉此虛藉以罔上而病民耶持其事不下

戶部分掌

倉科

舊倉部

歷代沿革

周地官有廩人下大夫為倉人司祿之長掌九穀之數賜蠲食以知足不蓋倉部之任也魏晉宋齊後魏北齊並有倉部郎中梁陳為侍郎並以度支領倉部後周地官府有司倉下大夫一人隋置倉部侍郎開皇三年改度支為民部領之唐因隋曰倉部郎龍朔二年改司庾大夫天寶中為司儲宋倉部判司事一人以无職事官充凡倉庾受納租稅出給祿廩之事皆歸二司而別置提點倉場官以督察本司初除韓正彥建炎二年詔罷司農寺本寺諸倉

十六新十二

十九

倉科

場事務隸倉部紹興二年復舊大元戶部令史分掌各頭有

羣書要語

廩人掌九穀之數以待國之匪頒賜稍食以歲之上下數邦國以知足否以詔穀用以治年之凶

豐倉人掌粟入之藏辨九穀之物以待邦用周禮出納必悞

有司之常貳上下之價則茫昧者受蔽雜苦良之貨則豪右者

受贏惟一惟公乃罔不同推平推實乃罔不吉元微之行范季

睦制歲漕東南粟六百万石以實中都茲用命汝以廩人之職

惟當於會計則无曠尔官曲阜除王宗望制倉庾賦入之政祿

廩調助之法臺郎典領列於右曹南豐除韓正彥制

古今事實

居部无言

唐畢緘為倉部郎中故事要家勢人郵倉駕二部居之者不悅



臧授之恬然如处美官无異言宰相知之迂戆方郎中兼侍御  
史知雜

為屬不附

孟簡為倉部員外郎王叔文為戶部侍郎簡為其屬中立正色  
疑然不附並唐書

掌出納事

唐倉部郎中掌天下儲庫出納租稅祿糧倉廩之事六典

掌給受事

宋倉部參掌國之倉場儲積及其給受之事列案有六倉場上  
供給納糶米掌法知雜神宗正史職官制

古今文集

律詩

送倉部蕭員外

文新十一

廿

漳應物

樸被蹉跎老江國情人邂逅此相逢不隨鴛鴦朝天去遥想蓬  
萊臺閣重

戶部分掌

內度科

外度科

舊度支

歷代公華

漢有度支侍郎魏晉宋齊後魏北齊並有度支郎  
中梁隋陳為侍郎開皇二年改度支尚書為民部

尚書始民部領之唐因為龍朔二年改為司度大夫咸亨元

年復故掌支度國用租賦多少之數物產豐約之宜每歲計

其所出而支其所用宋度支判司事一人列六案度支案發

運案支供案賞賜案掌法案知雜案以无戕事朝官充凡朝

度之政皆歸二司本司无所掌元豐官制行郎中員外郎始

实行本司事初除陳向參掌計度天下之經費以貢賦租稅

之入而為之出小事則擬畫大事則諮其長大元戶部令史



分掌名頭有內外度科

**羣書要語**

鳴鶴登朝含雞伏省轉筋之敏未見稱奇聚米之

攷計軍儲曾何介意年支國賦為政之嘉猷歲計軍儲邦家之  
要務 位參計會職縮度支 唐張鷟集 支度要部 胡文恭行廬

成制財物多寡之數物生豐約之宜司度之曹典貳為重 南豐

除陳向制 度支掌支度國用租賦多少之數物產豐約之宜水

陸道路之利每歲計其所出而支其所用 六典

**古今之事實**

自職度支

狄梁公以度支之司天下利害部常闕人求之未得乃自職之  
唐職林

始有副知

文新十一

廿八

蘇弁授度支郎中副知度支事仍命立於正郎之首有副知之  
名自蘇弁始也 六典

奏數千言

崔仁師為度支郎中嘗奏度支財物奏數千言手不執本太宗  
令杜正倫齎本與仁師對唱一無差殊太宗大奇之 唐書

判出入案

唐故事度支案郎中判入負外郎判出侍郎總統押案而已

奏理奪田

張仲方少朗秀父友高郢見而奇之曰此子非常必為國器後  
為金州刺史郡人有田產為中人所奪仲方三疏奏聞竟理其  
冤入為度支郎中

勅求杜若

正觀中勅下度支求杜若省郎以謝朓詩云芳洲采杜若乃責



坊州貢之當時以為笑 筆談

元理善筭

曹元理善筭回筋知一國之粟不差升斗也 西京雜記

兼領三曹

宋徐宗說在度支會右曹金部皆闕官因令兼領三曹金谷織悉之地而宗說素有心計於天下經費出入盈縮之數莫不通知老吏為之斂手 中興係年針

古今文集

雜著

論度支疏

權德輿

十一月十二日將仕郎守右補闕臣權德輿謹昧死頓首上疏皇帝陛下臣聞建官惟賢任人以器細大畢效輶輻無遺蓋就其所長以求至當古人所以有優於趙魏而劣於滕薛敗於粟

文新十一

廿

五

邑而理於類陽誠才各有所極也伏見司農少卿權判度支裴延齡早以文學累居官次固而似守刻而少通徒有專勤之心且非適時之器往者貳大農之卿長司太倉之出納號為稱職蓋有恒規陛下急於獎能切於賞善權委邦賦冀有成績且度支所務至重量入為出從古所難使物無遺利而不可竭竭則害生類使奸無隱情而不可刻刻則傷人和調其盈虛制其損益上繫邦本下係元元苟非全才通識則有所壅自延齡受任已近半載群議紛然皆曰非宜且權其輕重固与守之之才不同边儲經費之功懋迂移用之法貴無留事以酌乎中簿領簡書周行郡国失於毫釐利病相萬一物未理所軫皇情而延齡切於感恩昧於量功思有以效強所不通則有枉尺直尋之心 多不自固之計吏伺其隙人售其奸因緣蒙蔽觸類滋長致遠恐泥奉製實傷異時甚敗罪之何補伏科聖意未正授延齡



職名似觀其能否以為進退官司問里衆口一心評議誼誼所不可遏伏望與一二宰臣時有裁議或詔問度支郎官使得以事实條對苟言者繆妄盡有以辨之或才實未稱恐難久處儻擇能代命以他官以全延齡以便天下上副求理之意下遂陳力之宜則事任交修職業不廢臣忝備陛下諫諍之官常服師訓緘默自負無以為容阮嗣宗口不言人之短臣心常師之但以東帶立朝則異於是職當獻納豈敢顧身耳有所聞心有所見義在無隱以奉聖明言而獲矣臣之死所不勝愚瞽悃欵之至伏惟陛下裁擇

**戶部分掌**

**糧草科** 轉運天下糧草總關規畫等事  
○舊屬糧料院

**歷代沿革**

宋仍舊制以三司大將軍為都糧料使自開寶六年以著作佐郎陸光範充改用京官自此始太平

文新十二

廿三

五方六

興國五年分諸司馬軍步軍為三院八年以馬軍步軍合為一院雍熙四年命供奉官陳處晦勾當諸司糧料供奉官曾祚勾當馬步軍糧料自後復分馬步軍為兩院或以諸司使副分主之端拱二年復以京朝官主之元豐未併馬步軍與諸司為二院隸太府來掌以法式頒稟祿凡文武百官諸司諸軍俸料以券準給中興以來行在有諸軍諸司糧料院鎮江建康有分差諸軍糧料院鄂州有分差戶部糧料院四川總所有分差戶部魚關糧料院分差利州戶部糧料院六院官例以京官知縣有政績者為之故恩疏數畧視職事官而不入雜壓紹興間胡汝明以料院除監察御史遂迂副端乾道復相繼入臺者有宋敦書等數人而六院弥重號為察官儲矣紹興間復入雜壓淳熙間削去近歲復奉班在五寺簿下大學博士上**大元**戶部令史分掌名頭有糧草科



宮正均其稍食又云月終則會其稍食周禮

今事實

躬自檢校

宋汪大猷字仲嘉幹辦行在糧料院文書盈几日不給視公間摘一二無不切中老吏驚嘆謂未有也或言推貨務左藏庫有羨儲朝旨以委公躬自檢校得其實以對樓攻魏集

除太常簿

宋林正惠公大中字和叔幹辦諸司糧料院求外補同擬者四人孝宗指公與計衡姓名曰此二人佳可除職事官遂除太常寺簿同上

戶部分掌

審計科審計天下見在錢帛可支年月  
舊屬審計院

歷代沿革

宋以三司使總邦計司各有院以乘中外泉穀出入之政蓋會計之府也然案牘叢委典者不能編察而奸宄焉淳化二年始用戶部使樊知古奏剔其冗籍復別為院置官領之以聽稍食之要貳置院之初特掌騎兵徒兵給受之數猶未及諸司也元豐二年合步騎兩院為一遂以其一主諸司自宮禁朝廷下至斗食佐史凡賦祿者以式法審其名數而稽其辭名者唯郊賜給已乃審祿有疑予則詔以法凡四方之計籍上于大農則逆其會凡有司議調度會賦出則誦焉設員二曰左右聽分案六史八人舊為諸軍諸司專勾司建炎元年改諸軍諸司審計官大元戶部令史分掌名頭有審計科

古今事實

以為關鍵



宋紹興五年臣寮言臣切惟國家之賦祿以糧審為關鍵糧審之勘給以法令為承式中興會要

### 不交權要

宋辛次膺監諸司審計司未嘗登權要門參知政事孟庾被詔薦其才遂召對是日除駕部員外郎胡澹庵集

### 古今文集

雜著

### 審計院聽壁記

吳博古

審計非古官也而原於古古者凡官府皆有要會而財用稍食之會尤詳國初以三司使總邦計司各有院以乘中外泉穀出入之政蓋會計之府也然案牘叢委典者不能徧察而姦容焉淳化三年始用戶部使樊知古奏剔其冗籍復別為院置官顯領之以聽稍食之要貳置院之初特掌騎兵徒兵給受之數猶

文蔚十一

廿子

未及諸司也元豐三年合步騎兩院為一遂以其一主諸司上自宮禁朝廷下至斗食佐史凡賦祿者以式法審其名數而稽其辟名者唯效賜給已乃審祿有疑予則詔以法凡四方之計籍上于大農則逆其會凡有司議調度會賦出則諏焉設員二曰左右聽分案六史八人然吏考縣官祿賜之費月長歲滋如江河下流愈遠愈濶其浸淫未易隄障也自至道末歲給中都官吏不過十數万紙熙寧月四万今又倍之百司吏祿又糜耗特甚蓋居兵費四之一豈據券涉筆者曾无揀於經費抑端本澄源不在有司欬然糧審為大農閔細倘據會要而觀則倖穿必有蹊蠹藏必有穴損益未蓋可觀已院故无記前人名氏不傳三山林君湜建安周君曄斷自南渡緒次官簿鏡之石亦不苟於其職矣故為書職掌大畧於其端以誌來者院舊曰專勾中興避御嫌名更今名云淳熙十四年九月既望記



審計院題名記

吳傳古

秋九月諸司審計司作題名屬余爲之記江陰呂君棊居陵孫君逢吉造余曰兩院皆君昔所蒞寧獨遺其一也敢繼以請余觀舊事自淳化綿絕之始以三班掌事後稍更用京朝官中與選任尤寵善職者徑登郎省將使指近比非試邑有闕者不在選中臺有缺屬於焉是擇士脫州縣登朝於焉問津其輕重視昔何如而官是者昧焉不見姓名於後寧非缺於諸君蒐補闕遺而余陳朽亦牽聯得書寧非幸哉顧併征余文將爲兩院重茲幸也寧非辱哉余曩嘗閱軍簿會兵費竊喟然嘆曰本邦維財蠹財維兵觀本与蠹相盛衰盍即是焉觀之試擊一歲審放之最錢以緡計糧以斛計帛以疋計續以兩計者百二十有四億僅足以贍中都之兵列戍三垂者不預焉秦漢以來雖或連兵曠歲費不儉此今彙弓柔遠期与天下休養而无涯之費如

廿九

故民力安得不屈耶惟九重儉慈不以一毫妨經費曰民与兵是恤是圖是以民无怨咨曰縣官所以征取於我者凡以衛我也兵无觖望曰縣官所以衣食於我者極此固不薄於我也然欲使兵絕虛籍國不徒費士得全廩師以不飢則任職者可不閱民力之不易念官賦之難支悉意審覈以佐公家之万一乎

淳熙十四年十月四日記







